



休寧志卷八

人物一

勲賢

陳

程靈洗字元滌少有勇畧嘗手殪妖蜃以安鄉并侯景之亂起鄉兵保縣欲以拒景軍景軍據新安新安太守相西侯蕭隱奔依靈洗靈洗奉以主盟時梁元帝在荊州乃間道奉表授都督新安郡諸軍事封巴丘縣侯進軍建德擒賊帥趙素乾率所部下揚州助王僧辨鎮防會陳武帝殺僧辨以兵夜襲石頭城靈洗曰兵以夜至逆順未明力戰于石頭西門軍不利武帝遣使招誘并疏僧辨過惡乃罷兵帝深義之紹泰元年以平徐嗣徽

功封遂安縣侯鎮京口移鎮南陵累以功拜左衛將軍
天嘉四年敗周迪于臨川授都督郢巴武三州諸軍事
廢帝即位進號雲麾將軍時江州刺史華皎反遣使招
靈洗靈洗斬皎使以聞朝廷深嘉其忠給鼓吹一部使
其子文季領水軍助防時周將元定率步騎二萬助皎
圍靈洗靈洗嬰城固守及皎敗乃出軍躡定定不獲濟
江以其衆降因進克周沔州擒其刺史裴寬以功封重
安縣開國公靈洗御下極嚴然號令分明與同甘苦衆
亦以此附焉性好播植躬耕稼別水陸所宜刈獲早晚
雖老農不及妓妾無遊手並督以紡績至於散用資財
無所吝卒贈鎮西將軍開府儀同三司謚忠壯配享
八節廟唐鄉人感其德亦相與祀之宋嘉定中賜廟額

唐 曰世忠累封忠烈王 國朝載在祀典春秋二祭

程富忠壯公靈洗之後以勇力聞隋末之亂起鄉兵據
古城岩推郡人汪華為帥華定有歎宣杭婺饒睦六州
富力居多唐高祖既立富勸華奉六州歸唐鄉人免于
兵燹唐封華為越國公以富為司馬封休寧縣侯鄉人
追感華全郡之德立廟祀之以四人配食而富居其一
宋追封輔烈侯

程灃字元功忠壯公靈洗之後英敏強毅州里敬服黃
巢亂衆推灃為岩將依東密山為寨協力戰守未幾草
寇畢鵝等七姓蜂起皆戰却之楊行密遣田頔畧地令
人喻之曰楊太尉已受朝命都督東南行營今日頔來

非賊濠對曰所以自保者不欲以三百年太平民坐為賊虜耳審如公言吾又何求田司空可得見乎顏因單騎入岩濠具軍容甚肅顏曰卿真將種耶濠因獻謀行密未果用即表陶傑射雅知歙州濠為都知兵馬使東密巖將無馬金領防拓事金紫光祿大夫檢校左散騎常侍兼御史中丞上柱國兵部大振富昨黥山容山等岩皆降附焉濠卒府咨議陶映言於雅曰濠久帥東密人心所歸今其弟洵亦足謀畧宜以東密授之遂表洵為東密岩將至則整飭舊規士衆大悅洵官至檢校國子祭酒昭宗初卒子孫繼鎮至宋平江南岩兵始罷南唐

查文徽幼好學能自刻苦手寫經史數百卷稍長任氣

好俠聞人困乏雖不識必濟之家本富坐是窮空不悔也徐知誥輔吳與語偉其論宋齊丘亦稱薦之南唐初為監察御史元宗立進諫議大夫樞密副使尋以為江西安撫使督諸軍攻建州克之以功遷撫州觀察使又拜建州留後時吳越兵據福州文徽復進攻克之執其將馬文進等三人文徽入城撫其民而變作為吳越所拘元宗乃遣還文進等文徽亦自吳越來歸時已病瘖不能言元宗遣醫視之弗愈以工部尚書致仕卒年七十謚曰宣子元方入宋為建州通判會盧絳據歙州傳檄至建元方立斬其使太祖聞之大悅擢殿中侍御史知泉州卒

宋

洪中孚字思誠黃石八十四首鄉貢避前達慶第二登
第試校書郎黃岡尉元祐中為成都縣主簿雕門蠻叛
帥以屬中孚即日度笮橋呼酋長慰撫令自歸人謂膽
大於身改秩後多所更歷崇寧初召對擢提舉河東常
平歲省大農費億萬增秩改轉運判官除直龍圖閣升
副使移漕熙河蘭湟路進集英殿脩撰與鼓鑄推酷市
易博糴安西米募蕃部弓箭手輦致新邊裕如湟鄯廓
皆極邊行路苦剽掠創烽火臺置郵傳也要害處以閒
田給墾人使自耕又請河東戍卒代蘭州坐團者給鎧
仗使遇賊得自擊置通津堡以扼其喉召為戶部侍郎
夏人賫寶貨來售中孚坐驛呼使前不可曰我雖微亦
使人也遣譯謂之曰尔有貨來直賈耳命酬其半價夏

人謂無戲我中孚曰往回鷓入貢道而境尔畧其資而
有之我特以舊故不問尚敢校耶虜問知姓氏驚曰初
不知河東洪老子也拜而去有詔褒寵尋以徽猷閣直
學士知太原府夏人重兵壓境來議地界中孚飭諸將
乘便掩擊皆遁去後以知永興軍入覲上問近歲乏才
之由對曰祖宗時近臣有過特旨放罪所以優其禮而
厚責其報身雖在外聞朝廷政令有不當交章論列執
政不敢肆臺諫不敢默小人拱手知難而退自熙豐以
來宰相欲行新法畏內外掣肘建言法行自貴近始自
廟堂大臣侍從臺諫皆拱手於繩墨之內不敢有所措
意近又升走馬承受為廉訪使者以軋外臺之吏由是
連率監司不敢按部吏州縣之官不敢治胥吏上下相

蒙苟且成俗風教安得不壞人才安得不乏上歎息稱善後帥真定府女真遣使約夾攻遼許以燕雲地歸中國上密詔河北諸帥經畧之皆以為可許中孚曰臣游邊久熟知邊人情狀昔遼主洪基用其相劉六符之言大蠲燕雲賦役今其國雖弱民心未忘且中國通好歲久一旦與其臣妾覆滅之臣恐滅遼之後女真未易制也會遣中貴人譚稹來議中孚曰非為此謀國之賊也稹大不樂竟劾使去降待制又奪之於和六年也後四年復待制知揚州時林靈素橫盛其徒自東南以巨舟重載過淮陽間吏莫敢誰何中孚庶得之皆致之法俄以直學士提舉鴻慶宮宣和末河北京東盜起張仙最盛詔中孚以禮部尚書撫諭之又大忤中貴人李彥

為彥所誣罷提舉明道宮尋奪官傳于家建炎初以中大夫龍圖閣待制致仕累封丹陽縣開國子紹興元年卒于家年八十三追贈光祿大夫少師子彙與諸孫以雍睦稱

金安節字彥亨下東人穎悟強記登宣和六年進士第調洪州新建主簿秩滿范丞相引為剛定官當紹興初法令散逸凡專司法令皆安節所脩次書成會廣中得舊本上之若合符節用張魏公薦除司農丞首論軍興以來國用歲廣言利者日益繁然皆瑣碎掎剋無益於國為今之計獨有推行營田之制以省邊地轉輸命守令禁遊惰招流亡與山澤陂池之利以備水旱庶幾田野闢而穀粟多緩急有以供公上之求而無咨怨是為

長久之策七年五月擢監察御史建言比年揀榦或撓者皆由自用其智無以揆天下之務宜衆建大臣使均任其責又請裁革任子恩數一時公卿多不悅而識者避之遷殿中侍御史秦檜方得君進其兄梓知台州安節連章論其倖冒謂其自始仕以來差除皆非其所當得依恃權門惟意所欲不復知有朝廷檜怒竟罷之尋以急告去朝坐是閑廢十有八年家貧祠祿不給處之自如檜死起知嚴州提點浙西刑獄入為大理宗正少卿在卿寺凡四年有言其獨立無援者上曰朕亦知之遷禮部侍郎將祀明堂時已聞欽宗之喪安節言皆當以大臣攝事從之繼兼侍讀遷給事中殿院杜莘老以論內侍張去為補外安節言不可因內侍而去言官上

遂留莘老金人犯兩淮安節首上進取招納備守三策謂逆亮殞滅雖可慶而未可恃自昔英雄之君削平禍亂未嘗不先固根本而後征討如漢祖關中光武河內是已然則備守者進取招納之本不可不早圖也又奏楊存中非大將才不宜使宣撫江淮荆襄上皆納之隆興初金人來議和安節言和出於彼理難拒絕當權與通好以息民益當脩軍政為後圖而唐鄧海泗之地決不可棄時宰相湯思退遣王之望龍大淵等通問決議棄地於是太學生張觀等七十人伏闕上書乞斬三姦臣而用胡銓金安節虞允夫龔茂良等不報安節復請詔有司按求建康吳晉以來城壘舊迹以次營造往來巡幸慰遠近之望時集議太上皇尊號安節言自堯舜

以來能盡事君事親之道為天下萬世法者一本於禮而已尊號之加始於唐明皇違禮悖義先儒非之我朝神宗毅然不受為萬世法子孫所宜世守而勿失也孝宗初政詔給廷臣筆札令條具當今弊事安節條奏元有成法者不得請用近例嚴俸求內降之律堂除差遣併歸吏部清中書之務減內侍之費蔭補文武官各依本色毋得專求文資妨右武之義在職封駁最多而於論曾覲龍大淵二人尤力上為罷其命遷兵部侍郎蓋踈之也或勸其決去安節曰若尔乃躁也事君之義不當如是越數月乃乞祠詔提舉太平興國宮給事中胡銓援韓愈留孔戣例繳奏上從之隆興二年正月遷吏部侍郎權尚書告老益力詔以敷文閣學士轉一官致

仕賜對衣金帶鞍馬陞辭面賜金魚去都之日送者數百人以為中興以來全名高節鮮有其比太學生許衍等百餘人伏闕上書乞召用侍從臺諫以為請者相繼乾道七年卒年七十七歷官中奉大夫爵休寧縣開國子累贈開府儀同三司少保謚忠肅安節樂易恬退遇人有禮在朝則衎衎正色嘗曰士大夫始進多務迎合稍如意則患得患失不復能副前言以此為人主厭弃未有委富貴潔去就而見輕於時者也安節至孝親喪不入私室與兄相友愛田業悉推與之又奏蔭其兄之孤有文集三十卷及奏議表疏周易解後進為立祠於縣學

程大昌字泰之會里人十歲能屬文紹興二十一年登

進士第主吳縣簿者十論言當世事上于朝宰相寄之
擢太平州教授召為太學正試館職除秘書省正字孝
宗即位遷著作佐郎時帝初政銳意事功命令四出貴
近或預密議大昌奏漢石顯知元帝信已先請夜開宮
門之詔他日故夜還稱詔啓關或言顯矯制帝笑以前
詔示之自是顯真矯制人不復言國朝命令必由三省
防此弊也請自今御前直降文書皆申省審奏乃得行
以合祖宗之制以防石顯之奸又言逆亮入寇之時無
一士死守而兵將至今策勲未已惟李寶捷膠西虞允
文戰采石實屠亮之階今寶罷兵允文守夔此公論所
不平也帝避其言選為恭王府贊讀國子司業擢禮部
侍郎一時文柄屬焉老師宿儒咸出其門擢直學士院

不進奈何大昌對曰陛下勤無過
自女真通和知尊中國不可謂無效但當求
故事內脩則大有為之業在其中不必他求奇策以下
遂成除直龍圖閣浙東提刑徙江西興利除害不遺餘
力又奏乞蠲漕司積欠詔凡諸路欠稅賦丁役錢物悉
除之由大昌一言之及天下陞秘閣修撰召為秘書監
帝勞之曰使監司人人如卿朕復何憂兼權中書舍人
除兼給事中江陵都統制率逢原縱部曲毆百姓守臣
辜弃疾以言伏徙江西大昌因極論自此也戊戌
可為矣逢原由是奪兩宮大昌進刑部侍郎兼國子監
酒給事中同知禮部貢舉進吏部侍郎權刑部尚書進
權吏部尚書知無不言如論禁衛之士本以禦外侮而

三年輒補外官用其長願留勿遣歸正人偽冒者宜
裁減添差以寬州郡皆大昌發之除敷文閣直學士知
泉州時汀賊沈師作亂詔盡勦之大昌請戮渠魁赦脅
從衆稍散去戍將蕭統輕與賊戰不勝死焉國中大震
大昌檄統制裴師以討之師武以帥符未下不敢擅出
兵大昌趣之曰事之心矣有如帥責可持吾書自解持以
謀攻城而先使謀之石衷甲縱火為內應會師武軍至
獲謀者賊遂驚潰通知建寧府提舉南宮鴻慶宮直學士
文閣直學士知明川尋奉祠紹興五年進龍圖閣學士
致仕慶元元年卒年七十三積官宣奉大夫封新安
開國公贈特進少師謚文簡大昌慷慨卓犖嗜書
不依論著述肥古作不文公亟重之有出貢論山川

理圖演蕃露攷古編易老通言易原雍錄北邊備對書
譜共百餘卷長子準有才畧自江陰守入為考功郎轉
漕兩浙總餉淮東沿海制置直煥章閣知慶元府贈中
散大夫次子阜官廬州通判朝散郎季子覃司農卿集
英殿修撰

朱晞顏字子淵城北人擢隆興二年進士第知靖州永
平縣有異政民為立生祠改知蘄州廣濟縣淮右民兵
歲調就合肥教閱不勝其擾言於主帥乞就各州縣閱
習免負民奔馳道途且緩急可保鄉井從之通判閩州
閩舊為宣司治所財計為緡錢幾百萬有司復責其增
羨乃稽入為出酌其中數申總餉為定額公私便之知
興國軍入對首論三事其一謂士大夫誕謾之習相師

成風建議之人率大言無效乞加戒飭使天下之人砥礪名節趨事赴功其一謂西南夷近時為患皆起于官吏尉其互市之直豪民奪其旁界之產又鎮寨官平日虐用土丁以稔其害乞監司嚴行禁約其一謂宕昌馬政馬之應格者既已市之於官不應格者又禁民間私售與其棄之於外不若養之民間乞聽軍民從便收買孝宗嘉納之除知靖州奏言襄漢之地在上游為重所以通吳蜀境接唐鄧土野平曠漢江淺狹隆冬可涉而出戍軍馬乃聽鄂州節制襄陽逼近虜界去鄂阻遠緩急必不及事宜移武昌大軍戍襄陽留水軍控鄂沔以為他日進取之地甚悅曰卿言極是改知吉州值歲中歉三上奏得米數萬石賑給單弱詔令赴闕復上

事其一謂今之蜀與唐異而與三國同唐蜀之邊患莫甚于雲南六詔故以益州為襟喉之地而節度使皆居劔南以便經畧三國之蜀北與魏鄰故諸葛亮出散關攻祁山圍陳倉未嘗一日安於益州而今之制置使乃居成都有終任未嘗至漢中者尚能為陛下控扼北虜規取中原耶乞移制置司于興元與荆鄂建節首尾相應其一論士大夫風俗逞私憾以相詆訐乞戒勅百官精白一心以奉公上帝曰本欲留卿廣中鹽筴敝甚舍卿無能辦此乃除轉運判官上便宜事數千言遂除客鈔科抑之患絕官般之法廣右民賴以安進直秘閣京西運判復條上便民之策論控扼衝要則請分屯江陵論額外効用則請收刺子弟論剝淺艇卒則請省費去

後論奉佃公田則請限年首實再閱歲進直煥章閣知
靜江府興安靈渠秦史祿所鑿以達湖廣之漕歲久而
塞晞顏浚之又增治城壁為屋千餘間創意為之若戰
棚然召為軍器監除太府少卿總領淮東軍馬錢糧晞
顏稽考財貨本源嘆曰國家財計如此而用或不給滲
漏多而浮費侈也室罅敷蠹不顧衆怨糧峙以增運渠
在潤境百三十七里湮塞既久小旱輒膠晞顏以丹徒
平視江湖乃浚二渠直達于江各立斗門隨潮進退而
啓閉之渠不乏水人享其利召權工部侍郎知臨安府
裁決如流事無壅滯獄以空告賜璽書獎諭慶元六年
卒年六十六歷官通議大夫封休寧縣開國男遺表聞
贈宣奉大夫晞顏至性愛產業悉推與昆弟官其猶

子三人天資忠厚人誣創事不為
切無坐累者孫惟肖幼中童科天資寬厚歷官知信江
二州人稱為佛子遷兩淮制參卒

程卓字從元文簡公大昌之後子幼穎悟潛心經術盡
得文簡公之學淳熙十一年冠南宮別院廷對首乙科
授揚州戶曹改知吉州龍泉縣政尚寬平不苛察嘉泰
二年除監行在諸軍糧料院改監都進奏院宗正寺簿
卓始登朝慷慨欲救時弊輪對首論諸州公帑安費謂
罄中人十家之產不足供一饋之需極細民終身之奉
不足當一燕之侈乞取會諸州軍公使錢隨所臨大小
定所用多寡交代之際以數來上而加考覈庶官無過
取民獲少蘇又論馬政之弊言亦剴切上深然之除司

農丞以親老請外差知嘉興府民多好訟卓剖決如流
莫不切中其情然終歸平恕入為大理丞嘉定四年借
工部尚書充賀金國正旦使還奏金人為韃靼所乘兵
敗民疲渙散陵弱此誠可為之時惟陛下制人以已御
遠以近明政教以立治厚德澤以及物使邦本愈強人
心愈固宣王復土其在茲乎自是始議絕歲幣正讎虜
之名不復與通除軍器監兼吏部侍右郎官上言古之
善將者非臨戰而後計遇敵而始謀也必求兵法于往
古考地里于圖志以啓迪心思發明機變乞嚴諭遠近
軍帥使各條其方畧圖其形勢上之樞府擇其可者頒
之諸路閱歷既熟則聞見日廣足以為無日恢復之地
上方向用進權太府少卿有忌之者遂奉祠起知泉州

深思利民之策莫切於上供銀數及發洩境內積弊二
事因言于朝反覆數千言卒從所請民旅利之為立祠
九年就除福建路提刑兼知泉州直秘閣帥福州卓以
民害之大者莫甚于盜亦莫甚于吏按而懲之莫不震
悚七閩大治召赴行在除秘書少監起居郎尋兼國史
院編修實錄院檢討入經筵權工部侍郎兼攝禮部侍
郎極論將之所恃在兵兵之所恃在食而培剋日深士
心寢失恩施於上怒起於下自今支散請給不宜屬之
軍將宜委總所州郡彈壓之則上恩達而士氣紓卓每
因經筵進讀必寓規贊如言州郡不可輕畀必試而授
之無容但拘資格兵冗宜嚴考核以革虛名無實之弊
官冗當革遙領不釐務暨琳館之虛負費冗當節迎送

備造與夫添給妄用又言援例廢法實開僥倖之門是致賞罰無章私情勝而公道泯宜守成憲凡所敷陳皆切中時病除給事中有臺臣論事專徇賄賂既後黜罰而復畀以職名卓封還之以為貪夫辱言路而置不問政刑安在卒罷其命卓自以年邁迭上章丐祠不允嘉定十五年同知樞密院事僅十閱月卒于位年七十一官至正議大夫累封新安郡開國侯遺表聞輟朝一日降中使卹其家賜東園秘器龍腦水銀以斂銀絹一千疋兩以不願勅葬加賜五百疋兩贈特進資政殿大學士謚正惠官其六子卓性篤厚平實雖年德位望俱高而接物謙抑在宥府密贊廟謨君相倚重事有便民尤多贊決休寧賦稅蠲減卓懇請力也鄉人祠之

程秘字懷古汧口人十歲吐詞有奇語紹興四年登進士第時趙公汝愚典春官見其文曰天下奇才也擢魁多士有以道學疑者實第二授臨安府昌化簿應博學宏詞科除建康府教授開禧初樞密丘崇宣撫江淮辟充幹辦改知富陽縣代者以邑之豪猾名字授秘秘束之高閣曰吾未欲知其名也使聞而改過足矣秩滿啓視則靡有一人造庭者用薦除宗正簿因早上言比年以來災變不一願陛下剴健輝光以新其德蠲苛賦以培國本去繁刑以壽國脉顯忠消佞以厲臣節言聽諫行以作士氣輪對復上言規人之國者不以其兵強國富土地之廣而惟以風俗觀之古之人君知天下之將有事也必陰求傑特之才儲以為他日之用故曰平居

無犯顏敢諫之士則臨難必無伏節死義之臣惟陛下
重圖之寧宗嘉納除樞密院編脩官無權右司郎官上
言女真為韃靼所乘蓋一髮千鈞矣然一狄亡一狄生
而又中原姦豪患生盤糾夫中原腹心也吳蜀荆襄四
肢也腹心受病未有四肢獨安者可不重勤聖慮哉丙
寅出師一敗塗地蓋犯招兵不擇兵屯不分軍勢不張
謀候不明之忌惟陛下申詔諸將各以所見條具來上
而斟酌行之不及今無事之時盡所欲言一旦有故彼
得有詞矣遷秘書丞屢求外補上謂宰臣曰程秘豈可
容其外補丁內艱服闋除浙西提舉以治最聞除秘書
省著作郎繼除國子司業兼國史院編修官權中書舍
人尋守禮部侍郎直學士院理宗初兼侍讀上言人生

之學在乎力行而已三代以來人君知以講學為務者
其功業必見于天下至若叔季之世雖有聰明之君惟
其不務人君之大德而好文章之小技亦何取于學哉
上稱善上嘗留意筆札秘言太宗留心詞翰實在偕國
削平之後真宗銳情文墨亦在澶淵却敵之餘上為悚
然寶慶初除禮部尚書無職如故二年權吏部尚書尋
除翰林學士紹定改元以疾乞補外除知建寧府福建
路招捕使時汀邵寇作七閩繹騷秘選禁卒精悍者剗
翼虎飛熊二軍招刺強勇三千人用間謀離其徒黨捷
奏日聞有忌之者間從中起秘乃乞祠薦陳韓自代以
煥章閣學士提舉王隆萬壽宮歸途經浦城真公德秀
迎謂曰玉堂既去一路失此賢師帥奈何未幾以李知

孝言落職與祠端平初復學士祠祿嘉熙初元除知寧國府二年除知贛州三年除福州安撫使三命皆固辭不拜淳祐初加龍圖閣學士懇乞納祿除端明殿學士致仕淳祐二年卒年七十九歷官宣奉大夫封新安郡開國侯遺表聞贈特進少師必以詞章稱當時世系本河北洛州自彌洛水遺民有文集六十卷長子若愚歷官知辰州遷浙東帥府參議次子若水監鎮江府寄精庫若曾監兩浙轉運司造舡場計置物料官

國朝

朱升字允升田溪人徙居歙石門幼師鄉貢進士陳櫟櫟深器之至正癸未聞資中黃楚望講道益浦偕趙沔往從學焉歸講學郡城紫陽祠登鄉貢進士第一內

戊子授池州路儒學正庚寅之官以身示法江南此學者雲集會淮甸兵起壬辰春秩滿歸而蘄黃之兵至微矣自是連歲勝負相尋而所居僻在窮山雖避兵奔竄著述不輟升每耻俗學之陋務究極天人之蘊研精覃思無理數而一之大有所造詣丁酉秋大兵下徽被旨召見

上潛邸被顧問升對曰高築墻廣積糧慢稱王上大悅遂預帷幄密議冬辭歸嗣後連歲被徵受命即就道比至見

上有所訪問後亦不强留也大抵禮樂征伐之議升所贊畫居多吳元年丁未授翰林侍講學士中順大夫知制誥同脩國史誥詞曰眷我同姓之老實惟耆哲之

英其見親禮如此

上肇登大寶改元洪武

車駕幸汴得告歸省丘墓冬末再行尋以年高得請致政而歸家有梅花初月樓

上嘗親洒宸翰以賜明年庚戌十二月卒年七十二號風林學者稱風林先生所著有易書詩周官儀禮禮記論語孟子大學中庸孝經小學書旁註有書傳緝書傳補正老子孫子旁注他如小四書小學名數醫書葬書皆有紀錄其在朝也有所擬議隨即毀棄無復存者唯制誥表箋及前後文藁若干卷藏於家

程信字彥實陪郭人舉正統壬戌進士授吏科給事中己巳七月

英廟北征與廷臣上疏諫止不報十月虜遂入寇

詔提督守禦京城上五事曰新號令以振軍威募勇敢以備警急調勤王以遏南侵設武備以防內變養銳氣以備戰守景泰紀元陞左給事中時天象屢變上中興固本十事而敬天一事首請

景帝隆孝友之實以答天心之仁愛壬申春多雪恒陰復上弭災三事陞山東布政司右叅政總理廣寧邊儲踰年丁祖夫人憂服除改四川督理松潘邊儲攻大姓夷寇破黑虎諸寨天順改元陞太僕卿戊寅陞都察院左僉都御史巡撫遼東設義倉增屯堡程勇怯弭令一新虜不敢犯庚辰率外臺官劾邊將之貪婪者坐改南京太僕少卿踰年召還陞刑部右侍郎自守益篤尋丁

母夫人憂成化紀元有事于兩廣四川

今上詔起復為兵部右侍郎上疏固辭不允已而復有事于陝西荆襄奏贖山委日不暇給丙戌陞左侍郎時以足疾移告家居 詔起力疾視事暫免常朝丁亥四川貴州山都掌蠻據大壩作亂詔用廷議進兵部尚書提督軍務討之破龍背豹尾諸寨禽賊數千獲銅鼓數十又陰察九姓土獠之附于賊者還師撲之裂都掌故地以繇鄰郡移瀘州衛于渡舡鋪改大壩為太平川立長官司以控制之凱旋 詔無大理寺卿賜白金綵幣及羊酒以勞四疏告病請老俱不允褒諭有加辛卯春以天變求言上疏論兵事可更張者四兵弊可伸理者五是歲復用廷議 詔改南京叅贊機務特免入謝

陸辭特給人扶

上面諭而遣之壬辰慧見與守備六鄉上便宜三十事多著為令甲午舊疾作懇辭機務特 賜璽書還鄉已

亥九月二十七日卒壽六十三有司以訃聞

上悼惜詔特贈太子少保謚曰襄毅命有司營葬事遣官諭祭者再信歷事

列聖幾四十年出入中外十有三任所居官理而到方清慎之操終始不渝性孝友少時嘗力耕為養母喪廬墓側有野蚕成蠶及芝產之瑞又割田五百畝于金沙嶺以濟親族之貧者好學至老不倦所著有晴洲集又有容軒稿榆莊集尹東稿南征錄總若干卷

休寧志卷八

休寧志卷八
人物二
儒碩

休寧志卷九

人物二

儒碩

宋

吳傲字益恭上山人十歲能文與兄併名於世
二年進士調宜州教授四方從游者歲餘傲登
紹興二十七年進士志氣軒特議論與范川陳亮相出
入亮深重之歷明州鄞縣尉改秩知安仁縣歲飢鄰邑
民羣聚為盜寢侵邑境傲籍丁壯嚴備境內無賴欲倡
亂者執而戮之盜悉解散通判邕州時有軒張先生經
畧嶺右遇疑事必咨傲且以書告文公曰吳益恭忠義
果斷緩急可仗未見其死因薦于朝得召對南軒以五

峰知言授之且書孔子之剗曾子之勇南方之強三言以贈傲受教而行見孝宗首陳恢復大計又極論大臣宜待之以誠而使之任天下之責左右貴近之臣宜待之以恩而勿令預朝廷之事孝宗嘉獎之尋有旨堂審敵言廣西帥臣任三面備邊之策漕臣專一路煮海之利州郡則計皆仰漕司帥臣權輕當令漕臣協力措置邊事帥臣無知漕計庶幾兩相通融彼此任責授廣南西路安撫以親老請祠除知泰州奉祠終於家寶祐四年曾孫資深以平生著述表進賜謚曰文肅傲號竹洲學者稱竹洲先生嘗為尊已堂記懇懇人壽天壽之樂之公讀之喜曰往者張荊州呂著作皆稱英邕州之才讀其文有以見其所存矣

黃何字子蕭五城人少從吳文肅公程文簡公游登第道丙戌進士第調泰和簿改衢州教官知興國大冶適嚴盜鏹之令而大冶有三山峙湖中產鐵尉出警將廣盜鑄者衆至四千人尉角敵不勝聞憲司憲司聞之朝調官軍且至二日民寔至是執乃止軍境上榜諭禍福衆未下復匹馬入其巢立散之焚其具一境晏然士民祠于鄉校縣有萬人英者朱文公高第延至學宮招徠學徒秩滿辟四明僉幕救荒有聞擢提樞務遷司農主簿太府寺丞皆出納之地剗革姦蠹尤多轉對凡四上言廣聖德結人心嚴郡守責實之政重縣令之權上嘉納之知處州再知岳州所至以廉白稱飯不能半歲所居不備堂庭以不足于當路者奉祠而歸里有清陂塌

何寧縣志卷九
二
溉田千餘畝久廢不治何曰是亦可以利民也捐資築
之歲所入加倍里社祀之何天資清苦務自樹立平時
出語如恐傷人至臨義則豪髮不屈為學以格物窮理
為宗尤深于洪範陰陽消長之說為後進宗師歷官朝
議大夫封休寧縣開國男食邑三百戶子煥運司幹辦
公事閔新州通判篤學材敏克世其家

許文蔚字衡甫東閣人幼居貧苦學紹熙庚戌以上合
擢第教授通州丁內艱服闋為海陵丞明達善斷裁割
如流有旨審察文蔚耻於呈身干進杜門不出者六年
朝廷嘉其恬退以戶部架閣召未至除國子學錄遷國
子博士徙秘書郎無莊文府教授秘書丞無兵部郎
遷著作郎卒文蔚自早歲從東萊晦庵講學發為文章

皆根源道誼粹然自胷中流出買田百畝為義莊以贍
宗族申省立約為悠久計

汪雄圖字思遠旌城人淳熙十一年試經義及董仲舒
師友淵源論登上舍科進士歷峽州教授轉後仕郎建
昌軍教授卒雄圖博學強記以明經講授所居石田据
平坡植李四方學者築室其旁號李頓先生有李頓集
行世

金文剛字子潛忠肅公安節之孫生有粹質敏悟嗜學
用遺恩補將仕郎嘉定十一年調潭州司戶時真西山
先生帥潭得文剛喜曰端厚人也遂為西山門人歷知
奉新縣通判興國軍監左藏及封樁庫出知臨江軍常
德府遷太府丞浙西提舉將作監進直龍圖閣卒文剛

莊重脩潔燕居如肅賓蒞官嚴明求民利病如嗜慾所
至以崇教化為先吳門有尹和靖先生祠文剏增飭書
院擇宿儒為之長自少至老持身制行益力寶紹間真
魏二公得罪去門人或更名他師文剛獨音問不絕舉
步出言一以西山為準心經一書口誦心惟不置慕范
文正公故事置祭田立義莊畫為定式俾世守焉
夏達才字行可南門人幼聰敏嗜學師鄉先達宋士嘉
曹提幹二公皆名儒每夜讀書殘燈達曙鄰早春者遙
見嗟異曰是何兒苦學如此丙午大比中浙省第一時
勸駕者郡守思軒韓公補也明年丁未上春官不利而
歸自是無意進取授徒于家以聖賢之學為本四方從
學者眾若龍源趙判院弥忠知縣象元洎稍雲吳提領

瑛省元瓊皆一時名人其他門人出仕者尤多平生所
作有圖南課蘭畹斐作子弘毅亦能文

程若庸字達原內翰秘之姪從饒雙峯沈毅齋游得聞
朱子之學淳祐丁未為湖州安定書院山長庚戌馮此
山去疾初臨汝書院于撫州聘若庸為山長買田宅居
之咸淳戊辰為福建武夷書院山長若庸累主師席及
門之士最盛在新安號勿齋學者稱勿齋先生如范啓
金若洙吳錫疇皆其高第在撫州號徽庵以寓不忘棄
梓之意學者稱徽庵先生如吳澄程鉅夫皆其高第所
著有性理字訓講義百篇及太極圖說近思錄注
曹涇字清甫屯田郎中矩之裔曾祖然始居歙南葉有
涇幼穎悟八歲能通誦五經不專攻舉子業研窮經學

尤精詣於朱氏之書故為文率皆典古有法咸淳戊辰
殿試丙科授迪功郎昌化縣主簿辛未丞相馬廷鸞以
書幣聘主教席廷鸞諸子端臨最博學知名撰文獻通
考其學實出自汪甲戌赴昌化簿任尋轉備職郎乙亥
擢知縣事不久奉親還里入元不仕至元丁丑建德路
請教儒學戊寅江東按察請教紫陽書院招致生徒創
闢學宮壬午辭歸養自是不復出州里循理篤行士林
宗之延祐乙卯卒年八十二歸弘齋所著有講義四卷
書文韻儼藁各五卷餘如服膺錄讀書記雜作管見泣
血錄曹氏家錄甚多次子仲楚能文著書先汪二年卒
有詩文講義二卷通鑑目纂二十四卷

愚守徽州一龍因從遊專宗朱子領薦上春官有尚陳
疑朱者一龍不少變久之調句容尉攝縣事歲飢做朱
子遺規為便民十條行之民無瘠殍秩滿注婺州教授
在閩李庭芝辟入幕時瓜洲失守奉母南歸宋亡不仕
元初江東按察起教紫陽書院先是守將李全降元毀
書院為城守具一龍與曹涇竭力重建使人知朱子之
處號定齋今書院合祀郡守韓補魏克愚涇及一龍補
印始初書院者也子三順良巽元皆從政有聲

吳浩字義夫上山人號直軒聰敏莊重隱居不仕專務
性理之學所著有大學口義

金若洙字子方汪溪人受書於程若庸弱冠綴鄉薦官
紹慶府黔江縣令宋亡不仕號東園有東園集四詠吟

補性理字訓集義

元

陳櫟字壽翁藤溪人生三歲祖母吳氏口授孝經論語
輒成誦五歲入小學即涉躐經史七歲通進士業十五
鄉人皆師之宋亡科舉廢慨然發憤致力於聖人之學
涵濡玩索以謂朱子沒未久而諸家之說徃徃亂真乃
著四書發明書傳纂疏禮記集義亡慮數千萬言凡諸
儒之說有畔於朱氏者刊而去之其微辭隱義則引而
伸之其所未備者復為說以補其闕於是朱子之說大
明於世延祐初詔立科舉取士有司強之試鄉闈中選
不復赴禮部教授於家號東阜不出門戶者數十年性
守友尤剛正日用之間動中禮度其為學者諄諄不倦

臨川吳澄嘗稱櫟有功於朱氏為多九江東人來受學
者盡遣歸櫟所居堂曰定宇學者因稱定宇先生元統
二年卒年八十三

江敏求汝口人力學明經邑人朱升輩皆受業焉以壽
終門人私謚明安先生子幼章以秀才舉任新濟河洎
所大使

倪士毅字仲弘倪干人曾祖機祖文虎父良弼三世皆
以經學教授鄉里士毅世其學長師鄉老儒朱敬輿陳
定宇學益以充教授黟下阜二十三年黟人化之所著
南四書輯釋行世卒年四十六號道川學者稱道川先
生三子尚綱尚德尚誼皆通經學古
程逢午字信叔汝川人幼穎悟再領鄉薦不第即棄舉

業與族父若庸講明正學著中庸講義三卷益暢朱子之旨元貞丙申薦授紫陽書院山長學者翕然尊之秩滿陞嘉興路海鹽州教授卒以子願學贈徽州路同知婺源州事

吳觀萬字亨壽大溪人篤尚考亭之學著潮說夏小正辨閏月定四時成歲講義皆廓前人所未發

國朝

趙訪字子常龍源人祖象元仕為仁和令有能名訪學于九江黃楚望復以書謁臨川虞集求草廬吳澄道學傳授之淵微嘗以為周易春秋二經皆夫子手筆聖人精神心術所存必盡得其不傳之旨然後孔門之教乃備其於春秋不舍史以論事不離傳以求經不純以褒

貶泥聖人以為左氏杜氏主史釋經而不知筆削本旨公穀啖趙知求筆削之旨而不考魯史舊章俱不能無弊乃離經析義分為八類辨而釋之名曰春秋屬辭以著聖人筆削之旨作春秋集傳十五卷以明聖人經世之志著左氏傳補註十卷師說三卷以為學者求端用力之階於易論著僅三卦未及成書洪武二年召脩元史乃如京師竣事而還未幾以疾卒年五十一號東山學者稱東山先生詩文別有東山集

金居敬字元忠洲陽干人資敏博學從朱風林趙東山游風林經傳旁注東山春秋屬辭居敬校正之力居多所著通鑑綱目九例考異工詩有集藏於家洪武二年卒年四十九

休寧志卷十

人物三

忠義

陳

程文公字少卿忠壯公靈洗之子多幹畧果決有父風
 弱冠從靈洗征討必先登陷陣文帝初累遷新安臨海
 二郡太守尋乘金翅助父鎮郢城華皎平文季父子並
 有御捍之功及靈洗卒文季盡領其眾起為超武將軍
 仍助防郢州文季至孝雖軍旅奪禮而毀瘠甚至服闋
 襲封重安縣開國公隨都督章昭達率軍征荊州以功
 加通直散騎常侍大建五年都督吳明徹北討至秦郡
 秦郡前江浦通涂水齊人下大柱為柵柵水中文季前

領驍勇拔開其柵明徹率大軍自後至攻秦郡克之又
別遣文季圍江州進拔盱眙仍隨明徹圍壽陽文季臨
事謹飭御下嚴整前後所克城壘率皆逆水為堰土木
之功動踰數萬置陳役人必先諸將夜卧旦起迄暮不
休軍中服其勤幹每戰常為前鋒齊軍深憚之謂為程
虎以功除散騎常侍帶新安內史累遷北徐州刺史加
都督隨明徹侵周圍彭城呂梁之後併陷於周周以明
徹為衛將軍封懷德郡公而文季不屈為周所囚十一
年自周逃歸至渦陽之南吏所執送長安死于獄是時
陳與周絕不之知至德元年後主知之追贈散騎常侍
開府儀同三司謚成烈侯

唐

吳九郎五城人黃巢寇至九郎為都將舉義兵保障與
賊交戰不利衆潰不敵馬上自剄奔逐半里許方墜地
馬亦繼死鄉人即其處立祠祀之名其地曰倒馬墩

宋

曹夬登崇寧二年進士第任睦州建德丞方臘之亂死
其官詔進秩三等與三子恩澤

凌唐佐字公弼登元符三年進士第授大名府司戶差
知夏津縣河北有疑獄擊者二百人歷十三年十置獄
唐佐往決得其情人皆感泣夏津是歲旱比還雨隨至
時踰縣令雨遷光祿宗正丞歷京畿江東常平後知登
聞檢院嘗語侵王黼請祠得南京鴻慶宮薦除開封府
司錄知嚴州踰令不繁暇日與諸生講學作易傳數萬

言進之建炎初提點京畿刑獄時道路方梗或勸緩進
慷慨遂行進直徽猷閣京畿寇盜充斥與戰數十合殺
傷過當三年除知應天府虜騎數十萬圍城城中兵少
糧乏外無援救誓以死守及陷被執虜欲降之指頭曰
此可斷不可降也嘗義之劉豫欲汙以樞轄不從使留
守應天繼得豫虛實密以蠟封奏朝廷事泄捕至大梁
怒曰何為見賣唐佐曰國家何負於汝而反面事虜一
世皆欲殺尔何獨我也豫猶惜其才繫累日度終不可
屈遂引出害之臨死曰恨不見梟劉豫之首豫羈其妻
子於穎昌特紹興二年也明年諸將復穎昌妻曰氏以
唐佐死狀聞詔贈侍制勅葬衣冠於休寧班政門外學
舍歲時奉祀

杜金字... 人少以材勇聞宣和末方臘盜起縣
令蕭由特棄印去金起義兵遮道請留從大將劉延慶
及海安源洞盜平累授承節郎從延慶伐遼又從待
制洪中孚招河北劇盜張仙宦官李彥姤其功效停于
家靖康初彥伏誅乃復故官應募從康王入援以事忤
副元帥汪伯彥被斥從宗澤破金人于衛州高宗即位
轉武翼大夫劉光世奏為御營計議官進閣門宣贊令
人苗劉之亂從光世勤王賊平授開州團練使光世宣
撫江東奏充池州駐札御前諸軍統制官轉左武大夫
累封休寧縣開國伯食邑九百戶以事忤建康留守杜
充會金兀术入寇充督之出戰衆寡不敵死之紹興三
年詔贈協忠大夫錄其子孫累贈太尉全器守魁岸言

不妄發事劉延慶宗澤二帥終身祀之尤篤于孝友置
贈塋田以養族人伊川先生諸孫從度江居池州全維
護撫卹備至伊川孫端中知六安軍禦金人死其官全
求其遺櫬歸葬池州其後子孫有無嗣者遂與河南房
互相擇繼焉

程光庭字朝望嘉定戊戌科進士調信陽軍羅山尉攝
邑事時虜犯境多出方畧屢戰屢克有羅山拒虜記碑
差軍學教授虜犯光山圍沙窩董兵赴援奏海陵之捷
移江陵僉幕趙方奏改京秩知羅山縣虜窺蘄黃方奏
辟節制三關部軍策應沒於王事贈朝奉郎誥詞云爾
三仕于邊終始一節周旋師旅事不辭難所謂國爾忘
家也

程洙汝口人少淵穎言論慷慨登淳祐十年進士授貴
池縣主簿歷任十年以廉謹稱景定二年秩滿調上元
縣主簿于時元兵南侵所在搔擾民無寧日洙撫字盡
誠民賴以安及代請留不得發德祐乙亥元兵攻建康
守臣出走都統徐旺榮開門迎降伯顏入建康百官投
牒以次降附人咸勸之洙仰天嘆曰吾受宋官二十餘
年豈忍遽移所守為降虜以偷生乎乃囑後事於子徹
沐浴闔門自縊以死洙平生好吟詠忠義之氣悉形於
詩有南窓詩集徹領薦任國諭號申齋克世其學

元
程兼善字士達汝口人幼穎悟有大志去家二里許篠
堂山幽閒可為歲脩地率同志十餘人讀書其中事老

儒朱升為師元末蘄黃賊攻陷郡城無善與郡人孫普
哲起義得里中敢死士數百人直抵徽城眾寡不敵力
戰死焉時年二十六翰林待制鄭玉作義民錄
吳訥字克敏忠孝鄉人總管禮之子訥不便於言而負
才畧倜儻不肯下人從父於靜江收五溪蠻洞學兵法
習騎射至正末蘄黃盜破徽州待制鄭玉前進士楊維
禎薦其才於浙省授建德路判官兼義兵萬戶與元帥
李克魯會諸軍于昱嶺關同復徽州維禎以文送之勉
以張睢陽事歲丁酉
天兵臨郡訥隨元帥阿魯輝退屯淞西札溪源巡邏至
界首白際嶺戰敗不屈引刀自刎死時年二十七訥詩
豪邁不羈與維禎相出入有集五卷

國朝

程國勝陪都人宋團練全十世孫初名元佐既從征伐
太祖皇帝改賜今名生而英偉元末與縣人俞茂婺源
人汪同等團結鄉兵以拒寇亂歲丁酉

天兵下徽州衛國公鄧愈署為總管府先鋒分兵下諸
寨首破揚完者苗軍遷管軍總管戊戌正月破帖木兒
普化元帥營于婺源三月後取嚴州道遇長鎗軍敗之
又敗偽吳張士誠軍以功加領軍先鋒己亥五月畧地
浙西攻取閑林寨庚子七月下鄱陽八月取浮梁樂平
十月後取撫州以功除管軍萬戶壬寅正月進攻南昌
屬邑時 皇姪以大都督鎮南昌癸卯四月偽漢陳友
諒軍入寇 皇姪分兵拒守國勝守寺步門虜其將士

寇兵奪氣相拒八十五日寇兵戴竹盾如箕進薄撫州
門城壞三十餘丈 皇姪督諸軍立木柵以拒敵且戰
且築通夕城完國勝與牛海龍乘夜引兵劫賊營海龍
為流矢所中以死國勝泫水得脫見
上於金陵具言危困之狀

上得國勝驚喜進陞上萬戶發舟師二十萬自將之令
國勝率親兵宿衛帳下與友諒大戰康郎山友諒驍將
張定邊奮前直犯 御舟舟適膠淺國勝仗劍叱之急
與帳前左副指揮使韓成水軍元帥陳兆先駕飛舸左
右奮擊會鄂國常公從傍射中定邊繞國俞公疾擢夾
後舟進水湧 御舟遂脫而國勝等反遶敵艦之後後
卒不接力戰死之時七月戊子也年三十一事聞略之

遠大將軍輕車都尉追封安定郡侯與梁國公趙德勝
濟陽郡公丁普郎等立廟南昌暨康郎山洪武十年加
贈開國輔運推誠宣力武臣榮祿大夫柱國仍封安定
侯謚忠愍遣官致祭有未備禮以葬者官為給之仍勅
史官勒功于神道之碑國勝嘗駐兵富陽愛其山水之
秀至是乃具衣冠葬縣西長山之原

休寧志卷十

人物四

孝行

宋

查道字湛然宣公文徽之孫至性慈孝動遵禮法初為滑州掌書記母病進藥劑經旬不解帶母思鰕魚方冬市無有道泣禱于河鑿冰解衣取之得鰕尺餘以饋母病尋愈居喪絕酒肉盛寒布衣徒跣狀而後能起咸平四年擢賢良方正能直言極諫對策第一除左正言直史館京東漕運使真宗喜談經嘗命馮原諱易謂曰朕不欲煩近臣久立欲於齋閣選純孝之士數人止如同人便裹頂帽橫經並坐暇則薦茗果盡談論削去進說

之議遇疲則罷原薦道及李虛已李行簡三人虛已母
喪明醫者曰浮翳泊睛能舌舐十日可勿藥虛已舐之
二年遂愈行簡父患癰痛楚行簡吮之敗膏不唾于地
父疾亦愈上立名之日令陪侍喜曰朕得人矣天禧二
年以龍圖待制知虢州卒年六十二道為人輕財重義
初就試貧不能上道親舊斂錢三萬遺之道出滑州過
父友呂翁家翁喪無以葬母兄將鬻女以辦喪事道傾
囊悉與之且為嫁其女在官雖俸入豐厚分給宗族孤
寡為畢嫁娶者十餘家以是常匱之所至務寬恕有文
集箋表行於世

曹矩字誨之登景祐元年進士第官至屯田郎中其任
都官日因父汝弼贈殿中丞燎黃之夕芝產瑩上郡上
其事被旨以所居為忠孝鄉孝芝里孫夫死方臘之難
時稱忠孝曹家

夏休字載道南門人夙有至性休早孤奉母曹氏孝養
備至既卒廬墓墓生瑞竹其節自十以下駢而為一以
上岐而為二又生芍藥並蒂者二鄉人號其堂曰雙應
凌待制唐佐為記其事

鮑乙黎陽鄉人母垂亡乙焚香鑿胸取髓煮粥供母遂
活本里洪晏作詩鋟木以表之

元

程天經字民瞻會里人文簡公大昌從玄孫幼失怙恃
祖母鞠之九歲而遭亂流離轉徙重貽祖母憂能力為
養既冠昏親喪猶未舉祖母嬰末疾力營葬于里之鴻

荒廬于墓側重葺屋以居祖母奉養備至祀先之所曰
著存兄弟相處之所曰棣輝歲修之所曰醉經游息之
所曰環翠曰聽雪曰石堂空翠曰成趣宣慰桂軒洪公
表其居曰新安孝隱之門

黃一清字清夫嶺南人父元珪早卒母吳守節自誓一
清學通易及陰陽家言耕釣以為養有秋江釣月樓鄉
人號秋江處士嘗至京師平章李秋谷欲官之固辭李
贈詩有君釣秋江月我耕秋谷雲何時各歸去雲月約
平分之句強授杭州教授以歸不復仕母嘗卧病亟莫
能治一清焚香告天願減已算以益母壽夜夢人曰明
日有老嫗來當得藥迨旦果有老嫗來授啗蜜之法時
秋暑無從得蜜夜行乞于隣鄉程氏還遇虎當道一清

號曰我死不足惜如母何虎熟視逡巡而去人以為孝
感之應省院交章薦之皆不起集賢聞之為言于朝曰
黃氏母為節婦子為孝子宜旌表以勵四方乃下縣令
旌其門曰孝節之門里曰孝節之里

國朝

葉仁字大年小字真壽星洲人父宗茂任饒州知府以
事罰輸砌城仁上書贖罪詞情懇切

太祖高皇帝嘉其孝誠宥之

吳鴛字純中黃源人兄祖從軍雲南陣亡鴛補後以
父伯春年老目盲詣闕上書乞就原所搬父侍養
詔許之人稱其孝

金彥文忠孝鄉人生三歲喪父七歲舅奪母志祖子高

撫育成童家貧採薪負米以資其旨祖沒殯葬盡禮母寡居迎歸孝養母病齋禱願以身代病遂愈母卒哀毀逾禮廬墓三年朝夕哭泣忽一夜虎過不害明日人觀其跡驚異永樂十五年里老狀其事于禮部監察御史唐親臨覆實

吳脩字仲成縣前人幼失怙賴母朱氏撫育及長事母孝謹東西隣火延百餘家抱母號泣告天火頓息家遂獲免母卒廬墓三年群鳥來巢服闋連旬雨雪歸之日忽開晴禪祭畢雨雪如故人謂孝感所致有司以聞覈實旌表

休寧志卷十一

休寧志卷十二

人物五

宦業

唐

吳華御史少微之子居石舌山開元中拜中書舍人以文行知名人為改石舌山為鳳凰山蓮池為鳳凰池

陶字大鈞宣公文徽之孫明習法令仕南唐為中書參軍歸宋太祖命大理試以律學除本寺丞累遷御史攝判大理寺咸平五年遷秘書少監復判大先是中書以朱傳議法不當請用陶真宗曰比聞陶亦深文宰相言當今習熟法令少如陶比者遂知審刑院

賜金紫卒景德二年以其子前岷山尉慶之為太常寺
太祝

洪湛字惟清世仕江表湛幼好學未冠錄所著十卷號
髫年集雍熙二年廷試見黜真宗既賜進士梁顥以下
第翌日詔不合格及南省不奏名進士內文采可取者
令再試帝復御崇政殿內出庭燎賦淡交如水詩得七
十六人並賜及第湛以文采適嚴特升第三人後以右
拾遺直史館賜緋坐與宋沆等上書忤旨落職知容州
累遷比部員外郎移知彬舒二州咸平二年召試孝德
頌詔復歸館判三司都磨勘司知制誥同知貢舉修起
石江方議修綏州宰執向敏中馮拯贊成而呂蒙正以
驛相視條奏七利二害卒修之凡五吏

西北採訪邊事上甚眷待有意擢任之初湛與王欽若
同知貢舉欽若受進士任懿賂事覺上方顧欽若厚懿
懼以為湛時湛使陝西未還而獄具官收湛賂家無所
有乃假梁顥金以償坐除名流儋州人多究之移惠州
道卒詔以子幼給錢一萬官為護喪歸

查拱之秘書少監知審刑院陶之子性聰敏不凡叔道
甚竒之舉淳化三年孫何榜進士歷官尚書職方郎中
兼權中書舍人廉行清節不愧世風

朱安國字康侯登紹興二十一年第調泰寧尉監車輅
院改秩宰青陽有聲倅温州春大閱郡方嚴賞格士怨
其新譁而起將變安國叱之曉以禍福訖事晏如明日
物色其倡者罪之事聞諸公舉歎薦除幹辦諸司審計

司未幾擢監察御史紹興池處三州乞復稅場安國奏
法為大防豈必嚴密而無漏上稱善天固有六年未決
之囚安國條其可疑五事詔釋弗治將漕江東歲餘直
秘閣知廣州先是劇盜陳青寇海道安國選委牙校李
寶授之方畧寶果縛青及其徒以歸自是威懾一方進
直徽猷閣知寧國府改婺州趣入覲卒於國門外贈朝
議大夫平生喜談兵嘗為黃帝陰符經小傳號陰符元
機子扶拂皆以恩補將仕郎扶終士曹掾拂宰姚江有
義政嘗築捍海堤延袤五千丈倅三衢作龜峯文會錄
後進皆賴其誨誘

夏尚忠字信卿城南人乾道二年對策廷中極論忠孝
之義賜進士第任將作監簿遷大理寺丞知秦州又知
州引年納祿不允轉召至除國子博士徙著作郎
明年稱疾致仕卒尚忠生穎悟端慤書不過一再讀
然危坐竟日而書已成誦

程令說字彥舉經學精通為鄉閭宗法登紹興二十七
年進士授饒州鄱陽簿再調知靜江府理定縣卒有茅
上詩集藏於家子穆克承家訓入上庠嘗著書約義書
性文丞相鄭清之倉使王伯大序其書

吳天驥字伯駿登隆興進士第調建昌司戶弱冠歸拜
重親人以為榮攝獄掾有頑民梗治理官屢勸不承天
驥徧白部使者盡情推鞠竟坐重刑廣昌人快之以檄
詣江西帥府帥即叅政龔公也嘉其端粹以著述科薦
之除勅令所刪定官遷將作監丞改太常博士罷知信

州歲大饑首修荒政發廩賑糶日至萬六千人蠲減屬
邑宿逋寬期示信連下內艱起知衢州再承大府遷戶
部員外郎卒天驥明敏有餘刻意學問吏治允精
吳箕字嗣之江澤人少孤刻志讀書乾道五年登進士
第主仁和簿分教臨川與象山諸公講明義理宰當塗
縣剖析民訟編類成書有聽詞類彙十二冊趙忠定公
汝愚尤加器重召審察尋以疾卒于會博聞強記登紹
興元年第尉饒之鄱陽調金陵糾曹時丘崇為帥吏胥
側足會不肯詭隨平反甚衆任滿不復出仕家居十餘
年卒

汪泳字伯游旌城人登乾道己丑第由治縣有聲提轄
貨務主將作監簿言王者仁政必自立後始遷大

寺丞臨安府獄有觀監不能決者輒繳送棘廷泳言於
朝曰如此則天獄反為京府一院乞下臨安自後無得
繳送從之知泰州丁外艱知湖州奉祠知處州不起嘉
定十二年轉中奉大夫致仕子棊為廣西帥司機幕泳
篤厚純孝持父喪年六十矣哀慟幾不絕聲晚居吳中
有田數頃以其半均與諸弟又念先塋在歙買田百畝
備歲時祭享外悉以給宗族

金葵字景陽城西人遠祖順唐末以禦寇功官至歙州
節度押衙金紫光祿大夫上柱國父端臣紹興三十年
進士再調臨安府錄事叅軍卒葵方髫鬣哀慕如成人
事母克謹登淳熙五年第監進奏院改監諸軍糧料院
遷太常簿司農丞需知盱眙軍次卒于家為人謙和樂

易表裏誠實明堂恩霈舍子雲甫而奏弟芝聞者高其義

汪文振字子泉蚤孤力學淳熙十一年公進士甲科調黃州教授長林令鋤治豪民姦黨聳慄改秩知吉州永豐縣以治辦聞主管官告院遷大理司直轉治獄丞出知台州謹身節用公帑纖芥不入私門除吏部侍郎官吏皆畏其精明遷左司郎中尋無玉牒所檢封書擬詳明不持兩端伺指意會右司檢正俱闕悉兼之除司農少卿直寶謨閣提點浙西刑獄浙西獄訟尤繁剖決無滯時旱蝗民飢縣督遺監錮文振錄囚夜至華亭得四百餘人皆骨立悉釋去俟秋償仍檄諸邑如之民藉以活兼鎮江府除司農少卿總餉事改福建憲節告老進

直煥章閣主管冲佑觀終子元顯知陝州

吳格字之平登淳熙十四年進士第通判光州講閱守禦著備邊管見入監登聞檢院司農寺丞繼遷宗正丞權刑部提舉浙西常平兼鹽屬歲旱蝗有欲令民於不種之田雜藝自食官不收苗主不繳租格主其說奏行之召為左曹郎官直秘閣帥紹興越有定科浮財物力等錢大為民害格急為代輸求免科率知福州屬東越謀帥遂再帥越逾年進直煥章閣為樞密都承旨除起居舍人卒

朱權字聖與首村人淳熙十四年登第授連江縣主簿從廣西帥改辟入幕轉會稽縣丞為卒棄疾李大性諸公所知調泰州如皋鹽場改秩餘干縣秩滿差監左藏

東庫再差監都進奏院尋知惠州初到郡飛蝗熾盛權
請禱于神忽大雨水漲明日有鷹隼鳥雀喧噪驅蝗赴
水而死遼東廣有寇剽劫鄉井權授將官方畧生擒渠
魁餘黨悉平帥臣應純之第其功得旨褒嘉特加一秩
去郡時已七十精明如中年人自嘆少應舉不減年以
欺君今已當謝事豈宜復入修門即乞休致章凡三上
力請得可轉朝散大夫卒有訥言十篇末議四篇默齋
文集二十卷

汪楚材字太初資村人紹熙元年余復榜進士歷湖南
安撫司幹辦公事轉廣西運司幹官楚材喜問學嘗以
書通朱文公及吳竹洲二公俱器重之告以聖門為學
工夫次第及佛老之弊遂以儒碩知名

朱衍字達善登開禧元年進士第歷宜興尉鄞縣丞繼
宰桐廬土瘠賦苛立程限期簿籍不擾而民無負租通
判鄂州兼司外廩武昌為上流重鎮軍務繁劇每以公
勤協裨郡政公帑告贏緒以五萬計悉舉以助軍儲差
通判潭州嘉熙改元轉朝散大夫差知海州丐祠卒
朱况字伯荀首村人世以仁厚稱嘗以從叔權讀書顏
公山蔬食數年卒成其學登慶元二年第授台州戶曹
繼自撫州崇仁縣丞調德安州錄叅歲大侵漕使吳柔
勝屬意荒政遴選能吏相與講行得况大喜專以委之
况擇寬廣僧廬日設糜粥全活甚衆金人擾邊大使趙
方檄况備禦有功露章稱薦改秩知甌寧縣才計甚之
而運鹽難辦究心措畫先期益額獨為八縣最守臣史

彌堅特薦以勵諸縣且有朴忠許國之表秩滿授邵武
倅終于家

陳明字伯潤父篆乾道八年進士知餘姚縣明世其學
舉進士授迪功郎調監吉州安福縣連領鐵場用舉者
陞從政郎桂陽軍藍山縣令被薦于堂任廣南路提舉
市舶司幹辦公事父子並以文行知名

吳輔字友仁江潭人為學精專以周禮魁鄉薦登嘉定
進士第初調鄱陽警曹未赴丁父憂服闋授崇安簿適
汀邵寇作督軍餉賑民飢能稱籍甚西山真文忠公甚
器重之主管兩浙運司幕職號霹靂手班引知新建縣
懲寓公之負官賦者遠近駭服諸公交薦丞清江郡任
滿入覲司帑別院除監察御史兼崇政殿說書首列四

疏奏之上嘉納尋告老歸田里卜別墅曰荆山奉祠祿
十餘載日與族黨朋友觴詠盡歡歲甲子起鎮高安不
就先定所居室產芝三秀九莖因自號曰芝室年七十
五卒輔居鄉心平氣和不可干以私咸稱長者

汪大信字夢約歲溪人溥習禮經登第調武昌簿丁父
艱改錢唐尉巡察園田並督湖岸捕私醴茗有功京尹
袁韶奏擢之任廣西道鹽場以親嫌不赴閑居十年凡
里中有利可興害可除雖捐年資無靳色遷石城縣丞
攝邑期年時虔寇熾萬繹騷大信率邑民數千禦之寇
皆遁去辟知分宜縣任長州推官丁母艱服闋調高郵
推官未赴卒

陳慶勉字志問滕溪人紹定五年進士調廬州舒城尉

監浦東鹽場韶州推官鄂州蒲圻縣丞福州僉判兼西
外宗正寺簿湖南轉運司主管文字武岡軍通判不上
換福州通判景定二年卒慶勉學正文粹在蒲圻有上
葉殿院書深究利源之弊讀之可知其人

趙必贊字子襄縣人幼聰敏登癸未取應科累階忠訓
郎端平二年擢進士第換文授承奉郎調南陵丞尋丁
母艱孝慕盡哀服滿授餘干丞以才幹稱兼憲幕遷吉
州吉水宰邑近蠻獠其民頑悍難治宰多不終任必贊
清明剛毅不畏強禦待儒生以禮待良民以恕得士民
心在職五年方滿授福建路轉運司主管機宜文字漕
使賴之惟畫諾而已薦紳交薦就任除建寧府倅卒姪
良宗良偁同年登進士第良宗終司戶叅軍良偁性孝

及居官以廉平稱先尉石門兼憲司準遣見知當路遷
東總分司改京官出宰浦城不願仕隱居墓側以終
畢祈鳳字景昭陳村人年十七即亞鄉薦咸淳元年省
試第五以諒陰免廷對賜進士出身授建康府都統司
幹官入沿江制幕再任六考授知澧州石門縣事荆湖
四川宣撫大使朱禊孫稔知其名奏擢兼宣撫幕知辰
州事卒世稱其文學政事

畢祖高字訓誠沉重端肅得師儒體在太學二十年咸
淳元年以上舍前序釋褐授常德府教授生徒有經指
授者皆成材為名儒遷文林郎建昌軍僉判致仕卒
孫吳會字楚望雷溪人登端平乙未第監無為軍岷山
鎮尋避地寓南徐淳祐二年改差淮西運幹以浚築轉

文林郎差充淮東制幹改淮西考舉知高郵縣兼淮東制幹丁父憂服闋知歷陽縣兼沿江制幹借緋寶祐二年監糧料院改添差沿江制幹參開慶元年充沿江制幹知常州以言罷咸淳四年領建昌軍仙都觀以恩例授朝奉大夫六年卒吳會襟度恢廓外粹內剛詩文不尚綺靡多游承平諸老之門信庵趙公尤厚當世利病莫不練核

吳士龍字子雲幼器識不羣書讀一過輒通善談兵淳祐間領監舉庚戌以韜畧登右科授建康帥司幹官制置王公埜以其才學該博力薦之朝任安慶望江宰時久旱禱雨即應歲以稔將終任丁父艱孝慕盡哀服滿遷制議須淮東兵監適值時患親拯療之活淮之軍民數萬計上功幕府除副帥兼閩府諮議尋轉融管安撫時母夫人年八十喜懼中急歸養年雖高冲粹如杜時年六十三卒士龍性端重剛直敦睦親族撫孤姪如己子資產一無所私鄉邑稱之

陳宜孫字行可號弗齋城南人開慶元年廷對已在一科以語侵權貴降同進士出身授江州瑞昌主簿尋試教官科王司讀其文擊節以取旨格不下時譽惜之趙日起鎮姑孰辟充幹官大訟疑獄悉委裁決咸得其實調常州教授未赴至元初草竊蠶起宜孫殫智畢慮勉相保聚一境無虞行省差知本縣事以秬米代輸杭米民甚便之居三年鄉邑大治江東憲使奧屯希魯行部禮請充郡庠教授尹衢州開化縣調通州判官有能名

吳存遠字拱德縣人寶祐間官至建寧判府節制安撫咸淳戊辰卒存遠少精敏長殖學有名仕以廉幹稱觀文殿大學士馬光祖甚重其人

程應辰榆村人性耿介學識為京邑所敬重以蔭授忠州文學歷臨安府司戶並簽安撫兩浙運司主管文字幹辦公事淳祐中轉迪功郎

程晞尹字聖任富溪人性極孝友尤有惠利于鄉邦咸淳中授江西轉運司幹官子克紹亦名士為遂安簿

元

汪雲龍石田人至元十三年獻策取台州有功用前承節郎同知徽州路休寧縣事以廉聞時江南初定行剽無忌舉雲龍為浙西巡官盜賊屏息論功當遷尋棄官

來歸為養母計母沒遂不復仕至治元年卒當病革呼子從壽戒之曰往吾常蓄符籙神像狎釋老巫師其徒率善眩為機械藥術奸惑既而屏棄聖賢言鬼神情狀久學乃知之身沒之後敢有為二氏道場汚吾名跡者論不孝子孫世守斯言至今鄉屬取法於其家

吳禮字和叔縣人為江浙行省令史調江西行省掾轉靜江路經歷至正庚寅除廉州推官時瀕海隣郡兵起禮獨署事團練義卒保障廉州獨安以功陞欽州總管海南海北道元帥守欽州十年己亥卒於官有野航集子訥

汪巽元字稱隱西門人歷漳饒二州教授將仕郎安仁錢塘主簿錢塘故繁劇邑狡猾藏游號為難化巽元撻

發奸伏嘉孺弱疆治有能名以建康路總管府判官致仕號退密老人有詩八卷長子孟堅仕為饒州初菴書院山長次子希字仲罕尤嗜古好學由慈湖書院山長歷官石城尹

程願學字希聖汧口人少卓犖有異志甫冠遊京師用薦入書局修職方氏書後從事兵部秩滿調鎮江路司獄有仁政改遷湖州武康主簿以憂去職除循州長樂令民有死非命者其妻訴不願理呵曰此即殺人賊也一訊則服事連富人請以萬緡賂願學不納富人賂大吏移鞠他縣異得行已志且以成其罪他縣果如富人意吏抱成案將署忽大雷雨晝晦棟折瓦墜官吏震駭失文書所在更置不敢再問羅江五峽諸盜時出

人無敢當者後入長樂境領卒邀之於道縛其渠魁七人餘悉散之簿尉懼變盡室宿舟中視緩急為去留願學不為動曰寇至吾自當之集吏民授以方畧分守隘要遣卒捕逐其餘獠大懼終不敢涉長樂境長樂去家數千里僅一童五六年間介然如一日秩滿歸舟至廬陵卒後朝廷考政績以承直郎真定路中山府判官致仕子植字仲本號古愚與朱升趙沔為文學友鄭子誠石田人父允恭為真定路晉州學正子誠受經家庭以文學入仕歷官兩浙儒學提舉以才廉著聲子彥文洪武二十六年舉賢良授山東萊陽知縣葉龍字仲翔城南人少從鄉先生陳定宇學文章縝密有法任青陽縣教諭陳衆仲自成均出董學事稱其才

足以振儒道

國朝

葉保翁字宗茂星洲人以字行幼以敏洽聞從余復鄉受禮記至正壬辰蘄黃盜起郡邑焚蕩與汪同協謀起兵禦寇安民丁酉

國朝命院判鄧愈以兵克徽州得宗茂己亥授婺源州守修城積糧招撫流離在任六載為政有聲秩滿入朝命使偽夏中道召還改命往鄱陽督造戰艦畢甲辰七月陞饒州知府未朞守將誣罷謫居濡湏子仁上書贖父罪得免丁未五月以疾卒宗茂有清才讀史不數過成誦急人患難有國士風所著詩文有茂齋集朱模字子範苦竹人幼從陳操游繼師三山余載載州

學明經尤長於音律嘗著樂通一書進之以供郊廟模為校正癸卯模應貢授滁州來安縣簿時兵戈之餘民無百戶較其所入不能周官吏之俸建言以來安併入清流縣從之改授廬州府六安州判在任清正州民感之秩滿再任洪武三年省部起取左氏避匿軍丁有胡五因糾衆為逆模單騎往捕之遇害事聞太祖高皇帝憫其死命將擒賊首胡五及餘黨二百餘人皆伏誅模為文有史漢風詩亦清麗有白沙行藁二卷從弟柄字德謙深交於余忠文公關吳觀國字用賓瑣源人性英邁好學知醫至正間任婺州路醫學錄蘄黃兵起與汪同舉義保障開府星源軍聲大振境內獲安

太祖高皇帝龍飛江左勸主帥納款拜樞密分院都事
筆翰如流應對敏給以忠義自許不拘小節與弟良因
事同歿金陵

朱同字大同學士升之子資敏盡傳其家學通群經諸
藝畢給洪武十年舉明經任本郡教授修新安志進之
十三年舉人材授吏部司封員外郎尋陞禮部右侍郎
後坐廢有文集曰覆瓿橐

余鏞字子韶鳳湖人父公亮仕元任田州路同知鏞事
母至孝隱居讀書洪武四年以明經徵為開封府安澤
縣丞嘗攝鄭州事清慎自勵敦厚化民然性不為世屈
有按察官至邑惡之中以法遂不屈而死後
明廷為雪其枉欲還其俸以官其子以無嗣而止所著

有尚友齋集從弟鉅博學多聞任休寧縣學訓導

程仁發字叔春汭口人洪武辛亥以通經舉任本縣儒
學訓導秩滿陞蘭溪教諭丁內艱服闋除開化教諭轉
楚府伴讀辛丑致仕仍留侍世子講書癸卯卒遣軍校
護柩歸葬仁發博學淳雅所著有雙泉文集子寔號學
思

汪芹字仲藻西門人洪武十年除廣西桂林府推官有
政聲陞刑部郎中終于任

范準字平仲汭口人從鄉先生趙沔游學問該博為文
宏議闊論洪武十一年以明經舉任本縣儒學訓導擢
陝西葭州吳堡知縣開設舊治安復流離興崇學校廉
介清苦秩滿陞工部主事卒于任有葦蕩藁西游率藁

繆葉悉白藁何陋軒藁等集

金彥瑾璫溪人七歲能屬文余青陽見而愛之號奇童
篆二大字獎之從鄉先生黃樞學洪武十一年郡守張
孟善以才舉授廣西賓州判官攝太平府事廉介自持
夷獠畏服以事能為知者薦調襄樊縣令考滿轉上猶
終于官子烜

曹彥循安樂鄉人洪武十三年以人才舉除濟南知府
慶事有方吏民懷之在任三年卒

孫英字思傑城南人父道堅善鼓琴英好學文章嚴謹
清新尤長篆隸洪武十四年應秀才聘授江西提刑按
察司試僉事分符按治九江激濁揚清姦貪震懾召四
左遷福州懷安縣丞有松蘿吟

程天字子靜漢口人受業朱升趙汭洪武辛酉以文學
舉任衛輝府胙城縣令陞中軍都督府斷事卒于官弟
尚字夢易有雋才受學趙汭金原忠洪武壬申膺鄉薦
任惠州通判以廉幹稱時龍川寇發朝命委之捕治
寇平卒于龍川驛舍土人懷之立祠以祀

蘇守正字志道南街人幼聰敏從趙汭學洪武十七年
以通經舉授雲南阿迷州知州調大理府知府陞兩
運副使以廉介自守致仕卒

程昆字汝器洪水塘人昆幼從鄉先生趙汭游又師金
原忠江彥明吳漢臣洪武二十三年以明經舉任黟縣
學訓導本縣知縣晉之用薦擢金華府浦江縣令律身
廉潔臨民莊敬丁內艱服闋起知山東壽張縣永樂三

年應求賢舉陞蘄州知州卒所著有周易集傳十卷及
覆詭集

程繩祖字叔武秦塘人洪武二十五年邑令劉紹先以
經明行修舉陝西盤糧未幾除陝西道監察御史二
十八年左遷湖口縣令九載有惠政湖口東曰黃麻潭
原是隰田累為猪蛟攻陷五百餘畝業者虛輸稅賦乃
齋沐禱于城隍其蛟白日為迅雷所斃尸血浮江民忠
以息復奏聞於上除豁田稅歲徵魚課民德之厚
與立祠肖像事之

汪回萬安人洪武三十年進士任福建按察司經歷調
江西按察司陞刑部員外郎所歷有聲
伯善自街人以人才舉除山東臨沂知縣永樂元

調黃陂縣受勅諭優老于家

吳牧字彥宇梢雲人由邑庠生為事從軍永樂二年舉
除戶科給事中轉工科左給事中兼司經局校書侍
仁宗于東宮甚蒙禮遇號約齋有集

金輝里仁東鄉人永樂二年進士任江西臨江府推官
陞廣東道監察御史以風節著稱

施守正二都人由人材除廣西鬱林州判官改山東泰
安州判官正統五年保陞本州知州所歷有惠政正統
十年四月受勅命褒其績景泰三年致仕卒

吳晚二十七都人由監生授廣西南寧府通判秩滿除
江西九江府同知考績屬縣民人保留復任景泰五年
乞致仕卒未受勅命褒其績

張遠字九達南街人由舉人歷邯鄲葉縣二學教諭陞
南安府學教授所至教人有方天順間陳時政十事下
廷臣議其是者行之致仕終于家

汪道字世行克山人由舉人除湖廣醴陵知縣丁內艱
服闋赴京建言十事皆化民成俗之道下廷議行之
復除江西新昌知縣前後政績具載二縣志成化二十
二年自陳致仕復乞恩榮其親既歸足跡不入城府
首建祠堂修宗譜集先世文翰注奉先事畧皆梓行之

休寧志卷十二

卷十三

人物六

遺逸

宋

曹汝弼字夢得城南人以經術德義高瑞州里攻篇什
篆隸與林逋魏野交自號松蘿山人有海寧集舒職方
雄嘗為序謂其體致高遠有王右丞孟處士之風骨以
子矩貴贈殿中丞

江致一字得之石佛人少與兄致虛游安定胡公之門
致虛以優校釋褐授太學錄號松菊先生致一宣和乙
卯鄉舉首選繼入太學靖康中伏闕上書者六乞斬京
貫等六姦臣復李綱相位皆如其請名震中外尋中兵

科優等授承信郎高宗即位赦書下江東訪求致一有旨特換文資與正錄力辭不拜乃歸營別墅自號石室先生

汪漢字瀚美西門人重然諾尚氣義凡鄉之人以是非來取直者徐以利害開諭莫不感服宣和庚子方寇被邑挈骨肉逃難大溪平時親識有奔附者咸免於難紹興元年張琪寇邑中逃匿殆盡乃携家衆走西坑山側一日賊至奮前與語善事從而推隨身之貲以與之賊戒其徒曰好善人勿得殺子丸人紹興乙卯以國母壽恩授右迪功郎時年八十七

汪莘字叔畊西門人自幼不羈寢長卓犖有大志不肯降志場屋聲病之文乃退安丘園讀易自廣凡齋鈴之

書釋老之典靡不究習屏居黃山嘉定間會詔求言遂三扣天閭論天變人事民窮吏污之弊慈湖楊簡西山真德秀見其書曰真愛民憂國之言也不報時朱子召赴經筵未至莘通書言財不待先生而富兵不待先生而強惟主上父子之間諸公所不能濟者待先生而濟若憚於為父子深愛之本而利於為體親臣工之末以是為治未有能久者今日之事先生建明稍緩切恐言者已伺其後是非不能為天下學道者之地亦恐不能為後世學道者之地朱子深重之用其言徐臧卿誼帥江東日謂其履行素高移檄本郡使備書史筆札抄錄著述欲以遺逸引薦于朝不果築室柳塘上園以方渠自號方壺居士有柳塘集傳于世

程先字傳之陪郭人團練全之子痛父死節于金誓守
先墓不仕力學好古隱居邑之東山號東隱自以先世
與伊川子孫南渡者通譜有志聖賢之學以書問道于
朱子朱子嘉之以老病不能卒業遣子未奇從學于閩
學成乃還未奇字次卿號格齋學者稱格齋先生父子
著述多燬于兵火惟格齋集及朱子往返書札猶存
夏廷燁字文炳城南人幼孝謹有器識讀書日記千言
為文敏而有思趣向高遠杜門終日澹然若無所學至
其說論古今指陳得失可舉而行平居崇德義厲廉節
惟於收族恤孤興事濟衆為無所愛其力而言行相循
兩以舉試禮部不第會稽何胤知其賢相與論薦又不
得召慶元二年詔舉遺逸賜進士出身授朝議郎守太

學正紹定三年致仕卒

趙歺字成德龍源人器識英邁文學優贍三請漕貢
南宮不利遂隱居徜徉池園日以詩文自娛號吟隱
至相與觴詠竟日程汝水呂竹坡方秋崖劉後村此
重之

吳雷奮字君崇通兩經尤長於春秋登景定元年進士
第授饒州司戶以剛直不徇私禱忤權貴去職尋辟受
荆湖安撫司準備差遣高尚不仕卒年七十七

朱之純字伯純幼承家學粹容止郡守韓思軒選入紫
陽書院領袖諸生寶祐癸丑登上庠月書屢魁多士朝
紳器重之俾長諸齋前廉時閱官董宋臣之黨弄權
天下側目之純毅然率諸生犯顏抗疏請斥去姦邪庶

朝綱清肅釋褐授平江府學教授常有祿不及親之恨
遂隱居求志慕先賢憲章不除之趣自號草庭守名節
以終遺書滿家後學矜式子孫皆力學能世其業
趙弥忠字資敬歿姪也方虛谷稱其詩有朱韋跡之體
文有羅鄧鄂之風晚年手不釋卷禮賢下士廉使察其
行業舉以校官高隱不就自號雲屋於山椒築亭日吟
傲其間郡守沈侯大書雲屋隱士四字旌之

夏元善字從之城南人幼有大志所交皆先達名士聞
是日廣嘗客洛陽見禮部郎中王朴紹定五年林薦第
徐元杰榜進士受文林郎濠州人離尉遭世變尼其行
嘗謂聖賢之學非有難知難行之事孝弟忠信禮義廉
恥以脩其身而求師友誦詩讀書以窮其事物之理而

已特休迫於俯仰衣食之資而不暇顧誘奪于場屋雕
篆之習而不及為亢善性莊重不慕浮華惟以詩書為
業敬親睦族未嘗有惰容歛錢置贖坐其意甚厚

吳應紫字達齋黃原人年十六領鄉薦陞上舍國諭左
史呂午奇其才以女妻之因革命退居田里嘗有詩云
自甘白屋為閒叟敢說青雲有故人子冕字君儀仕徽
州路醫學正調饒州路醫學教授卒

范啓字弥發號求邇博村人博學窮理從沈毅齋
游家貲鉅萬志節高尚不樂仕進得林泉之趣創風月
亭又別業荆樓曰宗紹歲時聚族其上胡幼衷嘗薦自
代理宗徵不起賜號風月處士所著有雜助謾錄管錐
雜誌子元奕號櫟山師程若庸

余泰符字慶會忠孝鄉人好讀書有才畧景定元年勅
免試賜進士特授承節郎監臨安府酒稅德祐間因睦
饒二州寇亂密邇京畿上言宜先保徽以固根本勅畧
曰陟明二秩以獎大節扶植綱常特授忠翊郎大都督
府帥幹招諭士民有功因革命終于家二子皆有文行
長曰復字公原至大間任國子學錄次曰章字公俊任
衢州路儒學教授

吳錫疇字元倫文肅公微之孫年四歲而孤能自立志
于學讀漢書慕徐稚茅容之為人伯氏破其產或教之
訟泣謝曰貧窶命也二祖以孝友名家吾兄弟訟寧不
辱其先乎聞者賢之研精理學師事程若庸嗜為詩所
居藝蘭以自况有蘭皋集

孫嵩字元京莖山人貌恠奇趣尚幽潔以薦入太學宋
亡歸隱海寧山中自號艮山先生誓不復仕杜門賦詠
淒斷淪絕以寄其沒世無涯之悲時婺源有制幹許月
卿先生者亦宋進士宋亡歸隱製齊衰服之以居月卿
塢江凱及婺源人汪炎昶皆絕意當世俱從嵩遊其詩
悲壯激烈讀者可知其為人方回得嵩詩嘆曰持此以
見朱文公可無愧矣嵩弟巖字次臯亦以詩名
吳欽字敬遠黃原人中漕舉補府學教授宅之北有樓
名延桂溪上有橋名臨清東度花園花園之北有池池
上有亭曰觀化欽自宋亡即營此自娛不仕學者稱延
桂先生題其屏曰殷周雖代而首陽自存晉宋雖更而
陶徑自若時論高之

元

汪士遜字宗禮忠孝鄉人至元十八年以例舉授南軒書院山長性資溫良不尚華侈尤勤教育常謂人曰凡讀書以踐履致用為本立身以孝弟為先苟不由此非聖賢之道化洽鄉閭人多悅服子安甫為黔縣直學孫衮為國子學錄至今子孫猶守遺訓

程夢麟率口人篤行君子以伊川家法月必一會放而行之結宗會盟規為多出入黃直卿之意杯酒歲時少長畢集孝恭友愛一鄉化之弘齋曹涇為序其事

朱宦字良卿城北人讀書有文不樂仕年七十餘集賢院聞其行義至正二年特降劄賜號澄節處士弟永錫號梅友亦博學與兄宦齊名

吳達字希道黃原人謙厚文雅不言人過閒居獨處必端坐斂容見人必具衣冠非甚病必夙興夜寐所交皆當世名士天性孝友遭父喪聘而未娶有強徇俗成禮達厲色以拒及宅兆未卜族有感義者願以地獻不受值慈親在堂世變侍避兵未嘗失所母年八十抱癱瘓不能出者數年起居飲食親自扶持土豪胡仲得肆剽掠執吳善夫吳伯原金萬全黃伯宇等將殺之達力解獲免鄉里宗族無遠近大小咸相敬重以有德君子稱之

國朝

陳光字寔卿藤溪人定字從姪博洽羣經網羅百氏時人以書厨目之朱升趙汭多從質正隱居教授遇書輒

錄至老不倦年八十五卒兄月卿文亦清純

正有訓字得時旌城人祖壽號靜齋宋末以易請鄉舉有訓克傳家學明易著周易句解尚書論語孟子注未成性純質粹貧而力學所交者朱風林升吳葯洲買葦洪武中卒

金若愚字伯明忠肅公安節之族也師陳定宇至元己卯與倪士毅試浙闈不第洪武初隱不起

黃樞字子運古林人聰敏好學父君啓與朱風林友得其端緒樞洪武初以左臂辭不就徵隱居教授金彥瑾戴玘皆其徒也嘗與二弟權機均分其產悉以祖基讓其弟自取後之隙地以居鄉人稱為後圃先生卒子則惠掇收遺藁曰後圃存藁

吳買字漢臣又字之翰號葯洲病叟江潭人性敏嗜通五經尤明於易文章古雅素有足疾累徵不就卒於家兄目字仲耳號碧宇有文名

金譯字定遠汪溪人性敏好學隱居迹名洪武庚午以老人召見授縣丞以疾辭 賜歸田里扁其堂曰遺安陳嵩序其集卒年八十四從姪大亦能文

邵誼字思宜縣人以文學舉時母年八十餘授本學訓導以就養善篆隸工山水尤精紅梅墨菊自號瓜圃鋤雲中書舍人詹希原禮部侍郎朱同咸推重其字畫弟孜字思善聰敏能文善梅竹山水永縣尹唐子華畫擅當時孜盡得其妙

倪尚綱字成志弟尚德字明善尚誼字思教皆士毅之

子並傳其家學尚綱嘗為黥學教諭洪武初自殘厥目
終于林下尚德洪武中為有司以明經舉不願仕自投
倪干塘而死尚誼嘗卒業于趙東山東山沒其春秋集
傳未及成書尚誼為校定成之洪武中亦自溺于邑城
裏河池

陳盤字自新定宇曾孫從朱升趙訪游性介直長於詩
文號伴竹洪武中有薦之者佯狂不就姪嵩學易于朱
模授本府儒學訓導陞國子錄事于官

程仁字國英率東人少慕學嘗遊滕薛薛有任中丞者
致政家居仁事之數年始歸時縣令唐子華亟愛之辟
使佐治仁所交朱風林趙東山鄭師山皆一時宿儒
國初駙馬王克恭鎮徽尤禮遇之郡縣以賢良求而得

能行卒

程明遠字用晦會里人歷事諸耆儒博學能文與陳寔
卿汪子文俞子茂友善洪武初有司以明經舉不就所
著詩文曰清隱稿

孫師寧字安卿溪東人沈厚有至行鄉先生唐仲鄭恒
俞彞深相契好年八十八沐 賜帛之榮

蘇大字景元號鈍齋城南人賦性清雅家雖貧而不屈
所著有甕天集及編新安文粹 皇明正音行于世

國朝

義民

金宗敬

程宗遠

孫慶遠

汪希仁

孫用規

各出石六百

孫彥真

李達

汪壽

方思傑

蘇士恭

張以名

各出石四百

程以順

成化十五年
上馬十疋

孫文斌

張斯寬

成化二十年
陝西上粟

休寧志卷十三

休寧志卷十四

人物七

進士題名

休寧先達題名記

新安名多士地而吾邑又特著於州始南渡來近漸文風師友淵源仍得所從受故士多長於談經旁郡若他邑之問學為文章者多即吾里吾里之士每時從鄉老獻書若太學上春官者視他邑率不之及既仕立朝馳驅四方大者名節粹稱一時而其餘亦練達有宦業不苟焉以干祿利為者是其名氏俱不可泯無傳也初元祐間令邵侯權嘗哀而識之石或謂謠雜歲久錄續書者益不端好如一門聯翩繼承之盛亦闕標榜無以歆

艷其榮勸相後人今邢侯之來悉意鄉校別其長才秀
民而與為禮既是正舊刻治他石分鏡其上而猥屬記
於予本源侯意何厯如焉士方窮一執決志名科既選
取於朝矣又為其鄉表著起敬起慕如此後之人顧瞻
前脩寧不躍如於中以期奮迅自托青雲之上此其於
風化者則亦至大矣然竊謂士無間於已仕未仕要以
學為本使學優而後從仕仕優而不忘學然後無負國
家設科終始造士之意然則斯石之刻夫豈徒也哉必
將有摩挲而議者曰是能學不忝其科者是能學發聞
于官者是能學有行於家若鄉者不則何譏若然不特
以勸夫未仕者抑將以垂已仕者之勸也凡吾黨之士
其何說之待惟是鄙如予者則宜儆省於斯淳熙十三

年五月望朝奉郎新羅縣令君與鄉榜
吳天驥記從政郎徽州休寧縣丞李中篆朝奉郎
徽州休寧縣主管勸農營田公事邢鉞書并立
休寧先達續題名記

野慶丁亥冬海寧令君與鄉榜
士題名植石校官今五十年字
有以序其繇且新安試士之富乾道
唯寔新之次乎已丑士之試禮部者方公
一汪公善
近史君趙公齊再新之又適當戊子歲賦已
之歲願牽縣書之以章明厥證予謂天道之行率有
數六十年而一還故之常也然題名之

人抑有深意焉皇上應圖... 策士士子之抱英奇懷經濟者... 吐所欲言上焉有補於國下焉有利於民亦士之榮乎... 然其姓名一登此石則昭昭乎示的於無窮矣異時人... 將誌之曰此名臣也是以道德聞者或曰是以功業顯... 者否則又曰是以名節著者允若是者... 邦矣一或不然則人將指其名而言曰是... 是為吾鄉邦之累者凜然清議千古不磨... 可榮去其所可戒則斯石也非石也夫... 亦令君宣化之意乎令君應氏名塾天台... 年元日翰林學士通奉大夫知制誥兼修... 讀程瑛記

按休寧在宋有起名碑二元及... 國朝失書今取二碑所載與後來者以年類次庶... 便觀覽

宋

雍熙二年梁顥榜

洪湛

第三名直史知制誥

端拱元年程宿榜

查道

賢良方正科第一人龍圖閣待制知魏州

淳化三年孫何榜

查拱

之道子監陶

景祐元年張唐卿榜

曹矩

也田郎中

元豐二年時彥榜

洪中孚 湛州贈少師

元豐八年焦蹈榜

吳鑑 特奏

元祐三年李常寧榜

杜之劬

金天受 內附

元符三年李釜榜

凌唐佐 南寧府知府

崇寧二年霍端友榜

曹夫 建德丞

崇寧五年蔡廷榜

曹文 建德丞

大觀二年王俱榜

何昂 朝奉大夫

吳敦復

大觀三年賈安宅榜

洪中和 中孚

致和四年

程嘉量 獻頌

宣和六年沈晦榜

金安節 文閣學士

曹及 姪

紹興八年黃公度榜

宋松年 議郎承

金天麟 天授弟

曹翊 孫

金非熊

紹興十二年陳誠之榜

吳授

吳嘉猷

紹興二十一年趙達榜

程大昌

龍圖閣學士贈
師議文簡

朱安國

廣州

陳尚忠

補

陳尚文

補忠

紹興二十四年張若將榜

汪遠猷

政學

陳子先

紹興二十七年王十朋榜

吳儼

州安瀛蓋文肅

程介

補

紹興三十年梁克家榜

金端臣

臨安府
錄事

隆興元年木待問榜

吳天驥

戶部員
外郎

曹熙

夫姪孫軍
器監簿

朱勝顏

工部侍郎贈
奉大夫

陳嘉善

科

乾道二年蕭國梁榜

吳俯

敬兄太
學錄

夏尚忠

著作

黃何

太府
寺丞

乾道五年鄭僑榜

吳箕

知
歸

汪泳

遠龍弟大
理寺丞

吳師禮

其從
兄

乾道八年黃定榜

陳篆

知
餘

淳熙二年詹駉榜

吳從龍

天驥
叔

洪仲

將
科

楊偉

曹琰

淳熙五年姚頴榜

金葵端農丞

金聲科特

淳熙十一年衛汪榜

汪文振甲科直

程卓大昌姪別院省元同知樞密院

汪雄圖永弟上舍

淳熙十四年王容榜

吳格樞密都承旨

朱權州知惠

金朋說科特

紹熙元年余復榜

許文蔚著作

朱申權姪知

吳會子

汪楚村廣西

汪雲後

汪體仁山知縣

紹熙四年陳亮榜

程秘端明殿學士

汪仁祭遠

慶元二年鄒應龍榜

陳唯姚知縣

朱况申弟

吳脩

夏廷燁忠子

吳文子科特

慶元五年曾從龍榜

汪棊孫

汪令圖弟

陳卓科特

王籛

蘇如圭

開禧元年毛自知榜

朱衍安國姪孫

夏之煒廷煒從弟掌書

嘉定元年鄭自誠榜

陳明象子廣南

程光庭知羅山縣贈朝奉郎

朱吉科特

嘉定四年趙建大榜

朱洪蒲圻

汪士德

朱括科特

嘉定七年袁甫榜

吳軫箕孫

吳天球天暎弟准

程夢文改名若疇必姪池川錄參

汪萬里科特

汪如陂

嘉定十三年劉渭榜

程以升卓姪法科

吳輔會子監祭御史兼崇政殿說書

孫中立科特

嘉定十五年慶寶釋榜

吳騰

嘉定十六年蔣重珍榜

汪大信高郵推官

朱拾科特

汪崑

寶慶元年童子科

吳士鳳得音免文解一次

紹定二年黃朴榜

程若顏必姪仁

汪濟科特

紹定五年徐元杰榜

陳慶勉判唯姪通

夏元善鍾子

曹孝得特科

曹璿

趙肅

端平二年吳叔言榜

趙必贊右文辭

嘉熙二年周坦榜

吳晉格名子正

夏朱抗善從弟

程璵特奏名

淳祐七年張淵微榜

夏之時誦從弟

汪惟熙

曹孝則特科

蘇烈吉州教授

吳煒格

夏行可狀

淳祐十年方逢辰榜

程洙上元主簿

吳士龍右安撫

黃雷奮特科

寶祐元年姚勉榜

汪夢春右科

寶祐四年文天祥榜

黃雷利何孫

夏季和杭善子

趙之祐

開慶元年周震炎榜

吳度太學教授

陳宜孫通判

程驤中書舍人

景定元年方山京榜

吳雷奮制京湖幹

吳士楚特科

咸淳元年阮登炳榜

趙良宗必贊姪司

吳日起換軍功至帶御器

朱依科右

畢祈鳳右科知

咸淳四年陳文龍榜

曹涇主昌薄化

吳良顯

黃雷復

戴元凱右科成忠郎

吳士尹武學上舍右科

趙良偃潮城縣弟知

吳祖高建昌軍判

汪革特科

朱惟賢特科

程有容南康府教

汪一龍仁曾孫

朱子

金華右承節郎

趙良璠取應

咸淳七年張鎮孫榜

朱渙武學內舍

咸淳十年王龍澤榜

朱之純上舍釋褐

姚鳴鳳右科長興

夏貴一檢閱

夏師堯之特十奉

大德八年

吳昌同知寧州事

至正十年文允中榜

朱克正初名晏改後名

國朝

洪武三十年

汪田 刑部員外郎

永樂二年曾榮榜

汪獻 磁州州官

永樂十六年李麟榜

謝志道

正統七年劉儼榜

程信 兵部尚書無大理寺卿太子少保謚襄毅

景泰五年孫賢榜

程景雲 南京監察御史

天順八年彭教榜

汪杲 南京戶部郎中雲南靖軍民府知府

成化二年羅倫榜

程敏政 長子鄉試廷試俱第一

成化五年張昇榜

謝恭 黃州府知府

成化八年吳寬榜

吳郁 會試第四人雲南布政司參議

成化十四年曾彥榜

吳裕 河南光州知州

休寧志卷十五

人物八

薦舉題名

國朝

陳嵩

藤溪人 洪武初舉明經 歷國子監學錄

俞韶

山斗人 洪武初舉通經 歷吉安府學訓導

趙彥全

龍源人 洪武初舉通經 歷州府學教諭

楊瑒

板橋人 洪武初舉文 歷休寧縣學教諭

朱曰可

安樂人 洪武四年舉 通經 歷鄉人 洪武四年舉

江奎

石佛人 洪武六年舉 通經 歷嚴州建德縣學教諭

江明德

黎陽人 洪武八年舉 通經 歷東鄉人 洪武八年舉

金彥清

瑞溪人 洪武十年舉 孝 歷力田人 洪武十年舉

吳珺 救寧坊人 洪武十五年舉賢良授浙江平陽縣主簿

朱日欽 安樂鄉人 洪武十六年舉教諭

呂磐 水南人 洪武十七年舉

程袞 富溪人 洪武十九年舉

汪志道 由山鄉人 洪武二十年

金彥初 瑞溪人 洪武二十年舉

孫音童 草市人 洪武二十年舉

程重陽 率口人 洪武二十四年

王懸民 雲源人 洪武二十四年舉

程彥興 臨溪人 洪武二十四年舉

程九思 汪村人 洪武二十四年舉

程孟如 明經人 洪武二十五年舉

汪伯良 洪坊人 洪武二十六年舉

汪巨甫 履仁人 洪武二十九年

范彥桐 傳歷人 洪武三十年

注猷 龍江人 洪武三十年

金良 長岳人 洪武三十年

程奇 忠孝人 洪武三十年

程士益 漢口人 洪武三十年

王士和 在州人 洪武三十年

朱金陵 求賢人 洪武三十年

金烜 里仁人 洪武三十年

朱昌 舉里人 洪武三十年

金士奇 里仁人 洪武三十年

程祖關 梓東人 永樂中舉人 直隸唐山縣丞

謝仕由 震州人 鄉貢 前源人 永樂中舉人 武知縣

汪有祥 良方人 正統五年舉人 天府舉人 照磨

葉順 任清蔭 授田山人 交城人 王府典膳

科貢題名

國朝

金法 任安樂鄉人 洪武十七年貢 學訓導

查允中 忠孝鄉人 洪武十九年貢 司判官

金玉 由山西鄉人 洪武二十年貢 縣人

汪山壽 任東鄉人 洪武二十年貢 縣人

汪新 履仁鄉人 洪武二十年貢 縣人

汪勝 履仁鄉人 洪武二十年貢 縣人

趙志 履仁鄉人 洪武二十年貢 縣人

夏仲成 任南鄉人 永樂三年貢 縣人

汪省 履仁鄉人 永樂四年貢 縣人

胡英 由山西鄉人 永樂五年貢 縣人

吳童 任永樂六年知縣

黃滄 由山西鄉人永樂七年

孫宗富 貢十三都人永樂八年

黃仲餘 樂陽西鄉人永

劉瑜 永樂九年舉人

任士亨 永樂十年貢任廣

吳彬 安樂鄉人永樂十二年

汪璨 樂仁東鄉人永

程敬 永樂十二年舉人

汪存 心永樂十年貢

巴瑗 永樂四年貢

汪肖 永樂五年貢任

余臻 永樂十六年貢任

程蔭 和睦鄉人永樂十七年

程山 舉人任湖廣靖州衛經歷

吳晚 貢歷江西九府同知

曹庸 永樂九年貢任

項福慶 人任河南陳慶府通判

何潤 永樂二十年舉人

黃義 永樂二十年貢

查琳 宣德元年舉人任

陳全壽 人任山東寧海州

孫寄生 任南大門人宣德元年

吳畧 宣德四年貢任保

葉盛 宣德七年貢

汪永安 宣德八年貢 任江龍游知縣

陳道來 宣德九年貢 任南光山縣訓導

邵志良 宣德十年貢 任江縣主簿

朱勝宗 正統二年貢 任山城縣

夏永生 正統四年貢

張達 正統六年貢 任南安教授

謝興得 正統七年貢 任東黃縣主簿

金川 正統八年貢 任廣西太平府推官

程道隆 正統十年貢 任廣西恩府通判

曹隆 正統十年貢 任萬安人

曹宗善 正統十三年貢 任曹村人

金忠義 正統十四年貢 任下東人

吳賢 正統元年貢 任都人

李侃 正統三年貢 任履仁人

汪志 正統五年貢 任石田人

范順 正統七年貢 任萬安人

夏郁 正統七年貢 任南街人

汪道 正統三年貢 任充山人

方崖 正統三年貢 任舉人

蘇敏 正統二年貢 任南街人

吳英

胡仕泰 天順三年貢

胡輝 天順四年貢

汪經 四川順五年貢任知縣

方景通 山東朝城知縣

朱景雲 任福建長泰知縣

查愉 山東德平縣學訓導

金宗 同上年貢任

蘇炫 任四川嘉定學正

汪英 字汝溫 西門人 同上年貢授七品職事

程道 同上年貢

汪憲 同上年貢授

葉思和 同上年貢任

程仕名 天順八年以上例入

程昇 同上年貢

汪靈 萬安人 歷河南桐柏知縣

程敏德 入監今為陳言事

邵美 年貢任郭縣訓導

莫文信 南門人 成化六年貢

潘永高 荒田人 成化八年貢

汪浩 鵬源人 成化八年舉人

張旭 南門人 成化十年鄉試經魁

汪讓 北街人 成化十年貢

程貴 汴州府人 成化十年貢任

王昌 北街人 成化十二年貢

葉尚 下東人 成化十四年貢

吳芳 北街人 成化十六年貢

吳愷 萬安人 成化十六年舉人

范隆 林塘人 成化十八年貢

游顯 萬安人 成化十九年舉人

程英 廣西河池知縣 成化二十年貢

查彥起 城西人 成化二十年貢

程昭 文昌人 成化二十年貢

蘇永興 中街人 弘治元年貢

汪循 鵬源人 弘治二年鄉試經魁

方瑩 大坑人 弘治二年舉人

朱榮 守村人 弘治三年貢

休寧志卷十五

休寧志卷十六

人物九

武臣

唐

程南節 陪郭人 乾符中佐父都使 濠祭酒 淘起兵 禦黃巢之亂 保縣之東 密岩以捍羣盜 每戰必為前鋒 賊畏憚之 羣盜次第削平 南節之功居多 歷官歙州兵馬先鋒 銀青光祿大夫 檢校左領軍 大將軍 上騎都尉 嘗自以一軍屯休寧 遂定居縣之陪郭 天祐中卒 南節從弟旭 從子 杭 杭從孫 淮 沅 相繼為東密岩將 旭兼領開化龍山 宋賜廟食 追封顯佑侯

宋

朱由義侍郎晞顏之姪紹熙二年補進義副尉時年二十尋擢管界巡檢興安駐劄慶元元年差充廬州指使嘉泰三年差充福建路安撫司水軍總領福州興化軍都巡檢使荻蘆門駐劄嘉定六年監台州寧海縣港頭鎮酒稅無烟火公事尋差福州兵馬都監特授訓武郎弟由道仕蘄州判官由信將仕郎子惟賢授漣水縣丞權淮東安撫大使司僉廳帥閩

吳江字君舉黃原人慶元五年中武舉奏補進武副尉為吉州龍泉監稅嘉定四年轉承信郎同刑部員外郎程卓使金為賀正旦副使次年回至江州卒弟河補本郡學錄

程安節字元亨山斗人嘉定四年應舉總轄王德和申

奏授京西招討司義士軍副將子崧代之轉正將兼統領勅補進武校尉

程驥字季龍富溪人開慶元年進士赴御射勅賜武舉出身賜玉軸綾誥

承節郎隸鄂州駐劄御前諸軍統制司同準備以親乞就近改差建康府侍衛馬軍司同準備者滿轉保義郎兼權中書舍人致仕

吳日起縣人咸淳元年進士累授帶御器械換文知淮安州轉拱衛大夫吉州刺史右領軍衛上將軍真州節制休寧縣開國男食邑三百戶

程萬里同知樞密院事正惠公卓之姪授保義郎特差御前義士前軍統領無為軍駐劄權轉運司準遣

程若川端明學士秘之姪武舉伏元歷監丞使金金人

以熟人首款即攫睛陷之金人驚曰奇男子易珮饌禮
遇焉後知滁州卒

金華字貴從瑞溪人咸淳間登武舉進士第授武岡新
寧縣令自持嚴於撫緝其地蠻獠雜處民賴以安邑
有大囚積十六年不決憲使文天祥諉以詳讞一驗得
實文公嘉歎欲薦用之革固辭退老于家從孫子西赫
翁並有志畧倜儻不羈子西仕元為江陵路副總管以
子貴封武畧將軍江浙行中書省副都鎮撫飛騎尉休
寧縣男赫翁以薦為承奉郎太保大丞相府咨議叅軍
元

程峻端明學士秘之孫奏補將仕郎入元仕終千戶
金震祖字賓暘鎮撫子西之子以才畧從征朔漠授平

江十字路萬戶府鎮撫元末以薦起領兵禦寇保捍鄉
里生擒賊首項奴兒被賞賚仍擢其子彥直為寧國路
權茶副提舉彥直與兄彥中能詩文有竹洲漁隱及瑞
溪釣叟二集

程遷字芝秀長壠人有勇力善射初為縣尉至元二十
三年從征安南以功授千戶

國朝

俞榮字子懋溪西人早歲讀書授徒通兵法元末天下
亂榮從院判汪同舉兵輯寧鄉邑後附國朝從取婺
源擣嚴陵授樞密院判官及靖三衢定德興克樂平而
江西諸郡以次收服還守南昌却外侮擊鄱陽平章貢
太祖高皇帝以永新重地而榮嘗戰守命撫衆戍之授

武德將軍守禦永新正千戶榮修城池興廟學刻陳定
字增廣通畧季一初文集行世有古良將風縹緲
任原字本立弟序字本初萬安人父鼎築精舍于富川
之上延初門汪克寬先生主師席原序皆受學焉克寬
著春秋纂疏綱目考異原序皆預其事既又從學趙東
山先生學成會

天兵下徽州原出佐軍實從捍禦歷功至顯武將軍雄
峯翼管軍萬戶卒弟序代之從鎮明越及閩中坐事廢
兄弟皆有詩文集傳世

陳濟字伯舟陳村人丁酉年從院判鄧愈征江西授百
戶調永新洪武十年子餘慶替職十四年 詔除濟為
雲南霑益州知州以優之十七年餘慶征南陣亡遣行

以成名諭祭次子彛襲陞天策衛副千戶二十九年以
征戰年久陞清浪衛指揮僉事征交趾卒孫忠襲職正
統八年征麓川陣亡子節襲陞湖廣都司都指揮同知
子景襲武昌左衛指揮使

程善臨溪人元末舉義保障鄉邦丁酉七月率衆於院
判鄧愈軍前歸附根取各處城寨甲辰年授百戶洪武
十一年調遵化衛終于官孫清襲調陝西莊浪衛
程才汭口人丁酉率衆歸附洪武二十八年授鎮南衛
百戶以疾終子本龍職孫泰正統十四年扈
駕亡次孫禮襲兄泰功陞千戶

葉興黎陽西鄉人父勝先謫戍大寧左衛征進陣亡與
以父功陞本衛副千戶

程敬千秋南鄉人元帥汪同選充義兵總管丁酉年於院判鄧愈軍前歸附甲辰年授百戶調西安後衛改溫州衛以疾終孫斌罷除贛州衛百戶

陳觀知州濟之族叔戊戌年汪院判下請由管軍百戶征進江西撥守永新調征雲南陣亡子永得襲授廣東清遠衛副千戶卒子英襲以征大藤峽功陞正千戶

陳福壽知州濟之族子洪武五年充徽州千戶所小旗征雲南有功陞總旗陣亡取子興送部洪武二十年陞建陽衛百戶正統十年卒子元襲

戴真履仁鄉人洪武二十四年由總旗授信豐千戶所百戶

吳原履仁鄉人洪武二十四年由總旗授撫州千戶所

百戶

范澄字澄仲汧口人洪武中以武功授普定衛百戶

胡寧由山西鄉人洪武三十三年除富峪衛百戶陞清海右衛千戶

黃添千秋南鄉人由總旗除成都右衛百戶

程壽由山西鄉人父安任揚州衛鎮撫壽罷除淮安衛百戶

黃彥斌十四都人應天府江寧縣匠籍女為

仁廟貴妃授彥斌神策衛指揮僉事又官其子琮為錦衣衛百戶琮孫女長為

秀王妃次為

徽王妃孫男鏞選尚

嘉祥公主授駙馬都尉

程侂字彥彰襄毅公之弟從祖成河間府瀋陽中屯衛正統十四年有司薦其勇畧送京師從征大同追虜于雷公山及代州授本衛百戶天順六年從征陝西固原州攻紅崖川及打刺赤有功獻捷于朝陞副千戶成化二年從征四川貴州山都掌蠻賊以奇功陞指揮僉事

程堦字本和襄毅公長孫以襄毅公武功特授錦衣衛世襲百戶

休寧志卷十六

休寧志卷十七

人物十

列女

唐

吳姬江潭人黃巢寇亂鄉人逃避姬堅不去已而賊至姬曰寧可斷吾頭不可戕吾鄉賊怒害之鄉人收葬于崇治嶺里中疾病遺失禱必應淳熙間有牧馬于墓側馬為虎傷召獵人伺而射之二箭俱中二虎即斃其靈如此

宋

程起宗妻吳氏會里人起宗正惠公卓之曾孫通判剛中之子嫁甫再其舅與夫俱沒無子擇夫子一人立以

後強族利其資訟之於縣欲改立嗣瓜分之有司察其妾不問乃迫置吳氏於一室絕母家不得通問日僅給薪米困苦之與其不能自存奪志焉吳氏蓬首糲食日誦列女傳自警久之計不行又擊登聞鼓告其舅無子欲為立後以分貲吳氏被逮臨安徽時魏克愚為安撫使證驗得直洎歸而家貲十喪七八舅及夫喪皆未克葬吳氏不勝哀感盡禮葬焉未幾所祝子亦死僅一孫相依為命終不以顛沛易操年八十而終

程希曾妻曾氏率口人私齋先生溼之子女資性明達年十六于歸方入門翁死入門後年餘希曾病二十三歲而寡一男一女未十二年而夫死伯母老姑尤痛苦人

黃一清妻吳氏黃才人年二十九歲夫亡守志不嫁年公十一有司上其事省部旌表門閭一清游京師見知於名公卿欲薦而官之不願歸築耕釣山房以養親為樂有節孝錄行世

國朝

三天民妻汪氏縣人年二十七夫喪辛勤克勵育二男一女有成遭患難不嘗動其心

朱原輕妻李氏縣人年二十九喪夫子繼沒撫其幼穉現克盡婦道年八十五知縣周德成上其事

詔旌表其門

黃仲瑾妻吳氏五城人年二十九喪夫撫其幼男智遠

成立喪亂避地操守不移知縣周德成以事
聞表其門年八十四

金孟章妻趙氏吉陽鄉人始孟章遊宦於閩之瓜山娶
趙氏生一子名談孟章先歸鄉卒趙氏携子談以還其
父教諭宗道以詩別之有願言保貞節留與後人看之
句及歸而舅姑已沒誓守一節撫遺孤奉宗祀艱苦萬
狀始終不移年六十上卒

汪錡妻李氏里仁鄉人生子三入曰讓曰守曰隱年二
十七錡亡毅然自守勤女工以撫諸孤皆底成立
吳清妻朱氏縣前人生子脩三歲而清亡年二十六養
姑壽終孀居四十年節操不渝有司覈實
表

孫希賢妻程氏溪東人二十一而寡希賢父安鄉七十
六始生命兄希任撫之年僅二十二子新德方周時程
氏勵志操以撫孤未嘗形怨言事希任夫婦如舅姑人
欲以節義聞者程氏力止之卒年六十二希賢姪英得
二十五卒妻汪氏二十八無嗣誓不二天號雙節
謝德琛妻金氏錢源人年二十九而寡一子功振才五
歲一女才三歲金氏誓不改適養舅姑以壽終孀居四
十三年有司覈實

旌表孫恭舉進士官刑部員外郎黃州知府
程永得妻汪氏率口人年二十七而永得沒遺腹六月
生子祖瑗誓不再嫁紡績織紉以養姑姑沒盡賣簪珥
營葬撫教祖瑗成立孀居三十七年隣里共稱曰貞婦

知縣歐陽旦等奏請
旌表下有司覈實

休寧志卷十七

休寧志卷十八

人物十一

方技

南唐

何令通號紫霞素州宜春人為南唐國師精堪輿家說
顯德中以言牛頭山不利謫休寧居何塢首遷縣治續
從芙蓉峯禮昭禪師為師改名慕真一坐四十年豁然
大悟宋天禧三年己未十月十八日里中士江文案輩
往見之慕真肅入正席趺坐忽然火從心出日灼頃刻
而化其徒收舍利為塔以葬凡徽人家葬地之善者多
以為何國師所扞姪彥德今邑前何相隱其後也

宋

甘露仙良安鄉人葉里汪氏之女自幼潔身奉道不願
嫁父母欲嫁之遂入邑之石金山修道歲久不見蹤跡
後驀然傳之其女已成佛道時遇亢旱求之立應其時
歙縣有石主簿者親臨本山尋視見有遺鞋及得道聖
跡主簿亦就捨身俱有遺蹟至今尚存四方遇旱虔誠
禱無不應

金良之字彥隆號野仙下東人兩浙提刑受之子以蔭
為奉新尉一旦狂肆以病去官妻亦携二女去之自是
食不繼然貌常充悅夜卧往往有光樞密來撲以請來
一見則曰是八百仙之一也直以金丹動道故有此態
度耳起城南道堂以處之叅政周葵守東陽以書幣招
焉報以青山白雲等語竟不往行事者亦已悔以問之

為褻語荅之當塗宋惠疇始授歷陽駕過新安盛酒嚴
相與對飲踰月野仙醉輒告以兵來慎勿妄書準字宋
後攝郡事淮壩恹惚不輕戮一人乾道間徵取科名者
野仙多預言其兆市人密語野仙忽來有所云云皆驚
顧以為盡得吾意晚節多采大黃食之棲止無常處嘗
曰使吾為物外神仙則難若塵中仙人技生度死可庶
幾也每云我當以八月死幸母焚我淳熙元年八月十
二日夜半起坐揮扇而逝年六十有一葬城陽山立壇
其上後有自蜀中見之為携家書歸即其沒之歲或謂
之尸解同郡有士人朱南一字德脩瀟灑閑逸至老不
娶喜畫山水梅蘭竹石野仙曾有詩贈之云寄語月溪
朱逸士他年同賞水仙花野仙沒後二紀南一下世士

友相率葬之城陽山正在野仙墓後時山中水仙花正
開趙師夔為郡日聞野仙前知強邀至郡齋索詩立成
云王侯門戶懶開顏斗酒千金一笑間無雪可欺青檜
老有天難管白雲閑丹霄作客能騎鶴紫府為家不買
山京口相逢又相別隻琴孤劍幾時還先欲以斗酒千
錢與之而野仙已知之矣一日郡喜雪開宴野仙曳杖
直造侯命之坐索詩出填字韻即賦云昨夜姮娥弄玉
織也應插月作花鈿為嫌梅影太清瘦幾片飛來踈處
填郡士張夢錫赴南宮贈以詩云秧針刺水麥鋒齊漠
漠平沙白鷺飛盡道春光歸去也清香猶有野香散
錫下省歸授徒外邑望窓外田中綠秧如針白鷺飛
下田鷺訝見雜間香散正謂恁如其詩所言後以功

薦不第而卒其前知類如此南一自號月溪真逸郡
水西興國寺呂侍郎祠有羅頌淳熙間所為記南一題
額

曹原育休寧人哥食歛邑之長春里凡數十年未嘗有
求於人破窓塵榻凝坐達旦或一卧輒六七日一旦以
衣物道具遍散鄰里遂卒

元
程深甫汝口人業儒神於醫擢浙江省太醫提舉上召
治疾立効由是聲滿南北有天下好人程太醫之語大
德改元歸自北方汛掃先塋首訪晉太守元譚墓得雙
石人於麥隴中已屬他姓厚金幣贖之刻碑其上年八
十二卒贈奉議大夫同知高郵府事子巨源歷官常州

總管孫大保以父蔭授揚州路泰州海鹽倉支納
范天錫字壽朋汝口人府教一高之子可起震之孫遂
軒岐術為郡醫學提領與永康胡長孺諸名公遊
國朝

僧嗣漢號昭回普滿寺僧戒行卓然為禪林所宗永樂
七年 朝廷欽建大齋師領眾預會于靈谷道場忽一
日沐趺坐索筆作偈書罷奄然而化中人傳

奏賜龕以歛閣維之餘得舍利瘞於靈谷之塔

汪國輔榆利人通儒術尤長於醫駙馬王克恭鎮新安
每延訪之守閩值 公主疾遣使迎之既至一劑奏功
凡鄉邑遠近樂人之疾不責其報曾孫以順以善皆高
年獲 賜冠帶榮其身

卷十八終

流寓

唐

洪經綸本淮陽人仕德宗朝為黜陟使議罷方鎮侵兵
朝廷恐召亂左遷宣歙觀察使子孫因家休寧黃石
孫萬登有排難却患之才咸通五年任金吾上將軍從
嶺南道節度使康承訓領師平蠻七年凱還道經海寧
愛風土之勝遂家黎陽鄉之唐田
陳禧本桐廬人避廣明之亂泝流而上至休寧之西愛
藤溪山水清秀因家焉其後子孫著行號陳村禧積德
敦義鄉人神而祠之

劉依仁彭城人唐末官翰林學士承旨出守江南因亂
遂家休寧子澄仕南唐為國子司業澄生戢為九江太

守戢生端宋熙寧中為四川提舉茶馬事累葉以清宦稱依仁葬二都富郎戢葬楓林巷口子孫遂居縣前南唐

戴安保大間自袁州宜春遷休寧之隆阜官銀青光祿大夫檢校國子祭酒監察御史上柱國

宋

謝端字良楷為南唐門下侍郎由祁門遷休寧土湧

蘇壽參政易簡長子先知泗州移越州天聖中知歙州景祐間遂居休寧終水部郎中

程祉伊川先生六世孫初靖康末伊川諸孫及從父文簡公之後俱從渡江居池州時休寧陪郭程氏有諱全者為池州統制嘗與河南通譜迨祉曾祖謙之又為徽

州直學與朱子通書祉因請為休寧尉子孫復自池州來徙與陪郭程氏為隣全六世孫無嗣以祉從弟榮秀為繼其後祉無嗣亦以陪郭程氏子季榮繼焉

李遇龍字叔興浮梁界田人宋紹定戊子領鄉薦登寶慶壬辰第累遷至太中大夫寶謨閣待制知潭州轉湖南安撫使弟遇鳳咸淳戊辰省舉知漢陽縣德祐乙亥此兵南下兄弟挈家避兵休寧之唐田平溪遂留居焉元

胡大中饒州安仁人大德壬寅年任本縣主簿臨民豈弟佐政有方秩滿民不忍舍因家焉孫仕龍本路教官

休寧志卷十八

宋武始年大無... 卷十九

卷十九

附文一 橋山場

顏公山碑

羅郢州

顏公山在休寧為著九域志及新安志皆云昔有顏公嘗隱於此後乘風而去因是得名山有瀑泉流出山之東曲折而為溪又謂之顏溪溪之畔居民多故又... 望可見黃山而其前... 雲山在縣南... 而近正... 云上有池方圓五畝多鯉魚... 之半又稍前則四旁... 處有平地無類五畝

許有龍池二在焉各不尚守文竊意凡家處舊皆蓄湖水後人埋之而意為二池也予丁未餘地以次留一庵基以有所待蓋此山多風日之而上愈愈愈要緊故謀始者不能捨是而也予丁未嘗禮經并或凡山川出雲雨見怪物皆曰神是山之尚大宜必有神是特以顏公後跡人人敬愛之日也其山之有神而但知有公遂至于今公元龍也其有故來遊者未嘗携脯醢而有於龍者義不擊鮮於山中牛奔馬走一稍不謹則相擊以蛇虺之變其最異者龍本以行雨為職用力勞今乃有不忍血食者凡諸鄉來請水先白公遇其請於外池而置之其鄉則用牲如其常鄉之人飲食無禁及

之之禮殊而皆以得雨計龍池嗜欲非公莫能知則所以從事舊矣但當公之時人知其為鯉未知其為龍何待有所限隔後人既別之以二池故龍之意顯而公之道益尊又凡田里之人或得子差暮輒夫婦默禱公往往賜之匪朕比其應則曰公實使然問之群兒中以顏為小字者所在如是公之博大而能采應文如此山舊無公像建炎庚戌歲浮屠人慧圓來結庵則曰顏公云者猶言遠公誌公尔非必指其姓於是塑其像如泗洲僧伽之像而其稱謂亦如世之所以尊僧伽者道之所在誠無仙釋之間而野史失其名或者終以為恨慧圓持律嚴甚金部郎高郵吳并素重之為以全真名其菴歲在戊寅圓坐脫如宗繼之衆人賞其質直凡殿及鐘

樓皆其所為今年過七十不少哀昔圓之無恙也邑之士有吳師禮者嘗寓其庵以肄業而登第數年來朱權寓焉亦登第於是權之姪申及其後姪况倣其叔之為者申以丁未歲入太學况以己酉秋預鹿鳴因相與稱公之德予謂數君既名族乃能安苦淡精思文字山間初不即人人有志而後即此山也志立而事成公何預焉雖然藐姑射之神人其陶鑄當世固有足大者士之權輿正在一科第公果成就之何假多力耶予既因權之請為作碑且為詩以美公為龍之德俾好事者歌之

曰

顏公至人以天為宗有淵有湖豢此群龍嗟龍之德與公實同在人能人在蟲能蟲上下八極從公西東公示

厭世忽然乘風龍今異地精神則通歲時遊戲作此年豐曰誰命之必歸於公勉之學列匪其力農立志讀書即此山中蒸然而來尚其或逢

開馬金嶺記

休寧在新安為大邑北界祁門西接婺源而南連衢嚴二州之境大抵三面皆重山複嶺無夷途可遵邑之西南曰黃原地狹民夥生理多在山之南北即衢之開化也相距皆大山嶽嶺叢葉尤甚民之衣食其間負販往來終日攀緣獸蹄鳥跡之道往往十步而九息莫不病馬竟未有能夷其險者吳公季脩別業于衢奕世矣歲必一往一日嘆曰斯路之艱若此吾誠老逸于此將幾寒暑吾弗圖之然終莫能夷其險者且世之富貴利達

斥金縉崇第宇微福於浮屠民以覆其徒動巨萬計斯
特馬体之毫末耳人顧不經意是可惜也於是商工程
具畚鍤備糗糧日執丈引相山川險夷議木石去留高
則夷之下則築之崖可循剪棘以通其塞水可踰梁木
以避其潦樹可蔭培之以蔽日石可休整之以憇倦泉
可飲疏之以濟渴凡越數山始得平地以里計者百二
十有奇自九月壬申迄十月之甲辰積工千有二百計
自今耕者有歛獲之益而亡顛躓之虞商者有貿遷之
利而亡寇攘之禍行者有車馬之逸而亡疲繭之憂孰
不欣快公之子希文嘗從予游比道其事公館客有朱
伯玉者家于衢實出是路故為言尤詳且致其鄉之耆
老意謂人德公是欲記顛末勒道旁石以告來者願相

諉余嘗念天下事每敗於偷墮苟簡之人而成於廉潔
敢為之士使事事者皆若公之用心蔑不濟矣昔社以
藥公名鄉以鄭公名瀨以嚴名人由地顯地由人著是
故多矣履斯路者思大惠亦必以吳公稱理有固焉公
名時敏字季脩年已七十有一起居飲食如少年精明
強力亦稱是顧不自老乃晨夕於風埃嵐霧之間刊數
百里之險遺兩州之民為陰功盛德豈一日之細利哉
其曰勒石道旁以昭來者亦宜焉故余從所諉以記之
時乾道戊子仲秋上饒王夢槐記

會里辨

程文簡公

吾祖居之里圖經書為外裏鄉土世傳則曰外里童年
補知事則疑其名義無宿遇者輒以問久之有老人言

曰方臘未亂時人家器物契券未經燬燼其舊識間有
存者大抵書為會里吾從山川道里考之其言良有以
也吾里並溪溪之南有驛塗焉白饒信而趨澗若淮者
由之其北四十里許為休寧縣治所道縣而南以合于
五畚驛上下者逾焉吾里介居其中則衢道所交通環
合於此矣溪流雖未充闊實澗河上游且又由山嘉善
兩鄉山澗田洫率多聚經吾里而始傳于溪用此二者
驗之而里之名會其以合并為義也昭昭然矣古今郡
縣名失其初者甚多如聲稱相亂則今洋州字實為洋
而舉世呼為詳州是也其因字畫近似則屯州譌為毛
州是也彼總一州而立一名歲常空載戶版勢不容易
久久尚能他轉則吾里之會轉為外里轉為裏無足怪
也夫會名雅而體洪一距川九州距海水之會也一會則該輻輳溝澮之名隱以
說不復更用敷別矣吾以是例之知圖志俚傳別為裏
外者誤也古來一地而二三其名者如內黃之配別出
外黃既有河內別出河外甚有一毫而分三之一齊一
加南北焉皆彼此對立不標其異則稱謂龐雜今吾里
無此則孰為而分裏外也凡我同里其悉此里舍為之
是去其偏而復其該重以會里為稱則山川氣象煥然
舊觀矣

雷溪記

草市距休寧邑四十五里面山枕溪孫氏居焉其先自
坑口徙此百餘年矣余以淳祐己酉閏月歸拜先塋留

半月餘日與昆季游時館邑之士劉鉅宏叔一日過余
曰茲上之居人競力於農士向方於學校他所純且篤
環溪前後無數十家聚遂假名曰市固已舛矣家藝
園樹桑麥壠漆畦鄧林烟淑橫從高下充然有生意者
皆可狀也又疆名曰草不其大外乎請問名於君子以
易俗觀聽以稱茲土之實余方注思暴風西來滄然雲
合對面陡暗金蛇明滅震霆漉漉疾聲怒擊大雨隨注
林木俱偃晦明變化若起溪之清蟄而送上青冥者余
甚驚異且應之曰古之君子適與景會遂聲諸言後世
從而信之實也結廬人境采菊見山淵明曾何心於擬
議或泝溪以柳子厚居辱以愚名意蓋有激而云爾然
今水之不故收焉以其文之足信也茲雷而震下

期而卒相合陶壁騰梭意必有為之先者矣昔舜漁
澤維揚有雷塘放而稱焉莫善於是自今以始士急向
方於學時則亨奮以符此名農益用力於田時則豐瑞
以涵此澤不然溪之靈其不笑我矣乎異時粗了公事
卜隣於斯我食吾言敢問狎鷗霽窓吳會楚望父記

相公橋記

吳文肅公

淳熙七年秋九月尚書郎曹侯來守新安歲大旱廩無
餘積民無宿歲人心皇皇莫知所以為計侯講求古今
救災之政其宜於俗便於民者力行之瘡痍焉無所不
用其至既又以其餘間求其凡可以利人者郡之境多
山山多澗谷水貫其間脉絡如織斷崖絕壑間出通道
侯謂橋梁不修昔人以為刺史之過乃出私帑屬富民

梁其險絕之塗而安夫人之所甚病有將仕郎程仔者
嘗下其穀之直以助侯救災之令為二石橋於休寧歙
邑之境上相公湖之側既成求記於倣倣嘗病今之為
郡者侈游觀自娛樂飾厨傳稱過客而吾民之不恤不
惟不恤之而已也又竭其膏血而甘之固無譏也至於
寬厚慈惠號長者顧多優游迂闊務姑息事文具豪民
猾吏得志以逞而善良貧弱之民實受其病侯貴公子
也其為郡不事游觀飾厨傳而知所以惠其民不為姑
息文具而知所以為政故令之而民必從為之而事必
集其大者既見於救災而其小者猶及於此是可書也
倣居閒且貧其勢不能利人其力無以佐利人之事獨
以文施或可以勸來者乃不辭而為之書侯名報字仲

本故節使開府公之子橋之成以八年十月相公湖者
南陳驍將程忠壯公起家之地俚俗相傳以名其湖以湖
名橋塗之人為侯祝也程仔者其家世傳為忠壯公之
裔能舍其所愛以承侯之志為利人之事於其祖起家
之地其賢於倚財為不善者多矣

竹洲記

子吳子某自永寧郡丞終更造朝以淳熙戊戌四月日
蒙恩賜對某言朝廷所以備北邊者甚至而於南邊經
久之備容有未盡明日有旨擢守筓管且令疾駟即成
某復自言某有父年且八十以某為命南邊之事顧豈
少如其者惟朝廷幸哀某事親之日短而事君之日長
倘得散地以便親養宰臣以其言白上上方以達孝治

天下為之惻然改畀祠祿某自弱冠宦學流浪餘三十年率間一二歲乃一歸家故新安之南六十里有田百畝有宅一區僅如古井田之民自祖父而上凡七世皆安耕稼守丘墓無乘危涉險折腰恐耻匍匐趨走之勞至某與兄益章始棄祖父之業失其身於場屋之間益章筮仕為大學官不幸早世某凡三仕州縣皆不偶不惟不偶且重得罪以為親憂用是思欲自屏於無人之境藏其身於庸陋寡過之地荐復祖父之業以安吾親之心至是始以無庸叨冒優恩月得俸錢三萬米五斛量入而約用之可以育雞豚燕春秋乃即舊居稍稍葺治居之前有洲廣可數畝舊有竹千餘箇因其地勢窪而坎者為四小沼種菊數百本周其上深其一沼以畜

魚鱉之屬備不時之羞其二以植荷華菱芡取象江村之景且登其實以佐觴豆既又乘地之高附竹之陰為二小亭其一面溪溪之上有山山多松檉檜樟之屬葱蔚蒨茂貫四時而不變尤老人之所樂而數休焉乃以流憩名之其一名淨香以其前有竹後有荷華用杜子美風搖翠篠娟娟淨雨浥紅蕖冉冉香之句為名亭之南為堂三間環以巖桂萬年枝及諸後凋難老之木東西二室為洞牖使子弟之未勝耕者讀書其中堂之北視上庠爐亭之制為小齋堂名仁壽謂其幸生堯舜之時得奉吾親長見太平如擊壤之民也齋名靜觀取明道先生詩萬物靜觀皆自得四時佳興與人同之意是中大佳處惟天下之靜者能見之淨香之東有杉甚

直而秀其枝下垂如倚蓋可數人容膝其下因名之曰直節庵蓋木之類至衆而至直者莫如檟蘇少翁直節堂以杉名也庵之西有梅舊為灌木所蔽枝幹拳曲莓苔附之與會稽之古梅無異蓋梅之隱者老而甚癯如山澤之儒其下平夷可羅胡床十餘然胡床於意行適至非便乃斷木如鼓之狀可踞而坐者十輩列於其下冬仰其華夏休其陰渴想其味不施棟宇而梅之美具得於俛仰之間因名之曰梅隱庵庵之前種桃李盧橘揚梅之屬連之數年可以饋賓客及隣里挑蹊之外借地於隣復得一畝許雜種戎葵枸杞四時之蔬地黃荆芥閑居適用之物庵之西開小徑旁貫竹間夾徑植蘭蕙數百本周其上與地相宜頗茂循徑而南有堤如荒

城高出氛埃旁臨曠野溪流其下潏潏然與風疾徐登之令人心目俱豁復據堤為二亭曰遐觀曰風雲於以見天空地大萬物並育之趣柳子厚謂凡游觀之美奧如也豁如也是洲蕞爾之地而高下曲折幽曠隱見殆具體而微者時具壺觴奉老人及艾老人所素狎者徜徉其中遇夜及風雨乃歸老人雖不飲酒然見人痛飲則為之抵掌笑樂佐其酣適間為小詞道其間適之意與景物之過乎前者使童稚輩歌之以侑酒噫能使予忘貧賤安農圃而無復四方之志者匪斯洲之樂也歟

遮源賦

汪古逸

常觀遮源地勢內與吳田之山抵踏外與商山之境相聯中間一節名曰遮源究夫遮之為義實有意而云然

源頭遮佛嶺而庇其間與源口遮隔山而張其門簾齋山遮於左而為之護衛李山遮於右而極其森嚴四隅回環而遮擁一源如帶而牽連此則遮源之大勢也四山之下出泉一源之內皆田分三四所而居處計數十戶之人煙獨有二姓壯觀遮源胡安定之後裔吳隱之家傳聚廬托處知幾何年嗚呼噫噫嗚呼噫噫此源形勝非我誰知世雖更革喜無戎馬之驅馳地雖僻隱喜安老幼而怡愉生理勃勃家室熙熙編籬植蔬鑿池育魚畜雞以養老理桑麻於庭除木隱映其庭戶室隱傍其山出源之春也草木敷榮天桃蓓蕾於冰玉芙蓉絡索於珠瓔山花粲一川之錦繡幽鳥奏林下之笙箏農民有事於畎畝煙簑雨笠而耦耕源之夏也

解穽練荷芳馨秋藏田疇而蛙鬧柳蔭池沼而蟬鳴耆老挹涼風於亭院丁壯務耘耔於郊坰源之秋也鴈書清畫蛩韻昏黃岩桂散清香於玉宇西郊桑萬寶於金穰稻抄雲子而匙滑酒溢流霞而盃香源之冬也則池有嘉魚栖有伏雌廩有餘粟帑有餘貲裝画閣而圍獸炭醉醇酎而飽甘肥嗟夫此特言其服田之效驗而未足以見治家之規模家有賢子塾招明師講明聖賢之義理研窮今古之書詩庶知識開明而洞澈遇事裁酌而無疑小可以保家立業大可以致君澤民耕莘之夫為湯輔相築岩之叟作商甘霖皆由樂堯舜之道於平日是以致堯舜之君於當時也客有從而言曰子之所賦吾為子評禮義可以養心耕稼可以養生迹在畎畝

心在朝廷睹松柏而思君子之貞嘒泉石而想幽人之清歌滄浪而濯孺子之纓對竹籬茅舍之間雅而異夫玉堂金馬之崢嶸或為子厚李愿之愚溪盤谷或為東坡次山之雪堂寒亭是皆隨時而為進退豈因地而甘於晦冥以予之賦續吾之評合是二說勒文山靈而今而後宜遮護而綿人煙之居處毋遮閉而阻人才之軒騰山靈曰唯吾於是以此扛龍文百斛鼎之筆以為紀遮源不朽之名

龍灣詩集序

壬戌初伏炎官守戶封姨屏息予方與胡蝶爭道於華胥之野客有排闥而言曰九陌塵衢名湏雅乎予曰奚其雅亦無庸惡地名勝毋則曾子不入道曰彭亡則功

臣所忌曰更而雅之可乎予曰洛出熊耳後世有以洛為雒者矣枕之虎林後世有以虎為武者矣奚其不可客乃出其袖之大軸示予曰予里程某槐庭以龍灣二字易其地之昔名隆干者程子仲兼為之記矣復倡之以詩徵人屬和予曰奚哉徵之為野岩岩其山而隆干之田數十頃驛騎行於中將惡其干與乾聲相近而更之耶將惡其渠之汙曰之隆而更之耶客曰非也天用莫如龍灣者龍之宅隆干之程君居之商卧龍之出處而曰安能久卧者程之詩云也予曰孔明先世琅邪諸人也唯姓葛以葛之為族者多也史遂繫其地以表其姓於是諸葛氏則知地以人而重非地之能重乎人也又孔明草廬在漢上之隆中未聞以龍易隆也孔明

不得久卧隆中者非隆中之能病孔明恨孔明之輕去隆中耳客曰不然程之志在依乎龍而有澤物之心焉予曰孔明有田十五頃有桑八百株程君有之乎曰似不少也曰如是則程君定非高卧人待探驪龍之珠慎勿騷我華胥之蝶客曰唯於是乎書至治昭陽大淵獻之歲正月二十日江濟順德父序

清陂橋記

灑灑有濟曰清陂山澗不定人以弗便

朱風林

歙休寧南五嶺淞江番江往來要道也嶺北十五里曰五城議為杠梁者幾世代矣去年夏五城耆儒黃伯固為余言是事且曰吾鄉鄰程子珎殆成之余喜曰成之為文以記之今年來則成凡架版之座幾聯四木以為板比兩板為一段者幾工人用力幾合之為費以米計

者幾又請於官復其旁幾戶住維繫架撤之事且求田收歲入以俟修葺焉其用心之善而為謀之未如此既亟酬其記且益之以詩詩曰

浙水入海番為南江兩地相連踰乃通行歙統休婺分流之所通道攸經為嶺者五溪漲為患欲涉無涯五嶺之險莫如清陂豈無小舟夙夜誰艤莫往莫來有丈千里豈無實路鑿石岩山行旅求捷鄉閭往還維茲新橋厥功莫比近濟一方遠通萬里木座立鼇板道橫虹靡晨靡夜以西以東昔人有心迄今乃作猗歟程君出其私橐程君從戎以扞里居一橋是力可規其餘五域名鄉世多君子德教涵濡用能取此事不在大力不在多孰有善心我為作歌

嶺南十景序

新安嶺南十景圖者迺新安黃處士所居也在新安五嶺之南故曰嶺南清夫游京師遇相國李韓公贈詩云君釣秋江月我畊秋谷雲逃名君笑我伴食我慚君老我素多病壯君高出羣何時各歸去雲月約平分目大夫士下至閭里無不傳誦由是清夫之名滿四方矣宣徽使王公廷獻奉使嘗過其處而喜之命名筆畫為圖觀者益羨清夫之能隱矣清夫棄官奉母尤為人所稱道故為十景賦者數十百篇別為一編以傳古今題圖上者自韓國李公道復翰林承旨趙公子昂劉公熙載集賢大學士王公彥博陳公仲明御史中丞趙公子敬中書叅謀元公復初前進士姚南楹先生張夢臣先生翰林滕君玉霄皆朝之名臣雅士慎許予老文學言足為天下重者也夫天下之名山大川多矣隱人君子亦豈少乎哉而得赫然表著一時文章之盛若清夫者何其偉也蜀郡虞集謹書

吳山記

予所居斗大村山阜多平遠去予居可半里一山蟠屈如龍里人字之曰吳山予主之有年戊申夏盱江李君可山過予自言乃祖澗泉翁得廖金精地學精髓負盛名于江東西予夙聞莖吾家蟠坑祖隴者廖公也思廖公而不可見得見傳廖學者之子孫如見廖公焉丞肅之暇日携筇與之俱環視旁近山水李君躡茲山忽駐足凝目俯仰左右指謂予曰此其生氣之聚乎子佳城

未卜舍是將安之予耳李君所言目李君所指果環抱
有情因紬繹吳山之羨宵中若有所契詩三百言昊天
者不一箋者謂昊天大號也而昊不連天言則曰有
昊卑言昊即天矣人心善惡惟天能鑒其微善言惡
凶亦惟天能司其柄人而善善而積善是人也吉人也
天亦吉之牛眠之岡鶴飛之所無心而得鍾奇毓秀子
孫為卿為公高車駟馬駢其門非幸也宜也人而惡惡
而不知止歟之人也凶人也天亦凶之顛倒其智謀錯
亂其去取葬皆謬戾卜吉無緣樂卻背原降為皂隸三
公之後寒飢無驢非幸也亦宜也吾嘗見袁宗左姓飛
金糜粟奔走李郭曾楊群弟子遠謀吉地終身幸無一
得而奴隸小民流離困頓死瘞道旁他時子孫勃興觀

者反以為吉地豈偶然哉天也先儒立訓葬避五患而
已陰陽拘忌予素所排斥然流俗靡靡以為順之則吉
反則凶人情趨吉避凶亦不能免俗也今李君謂茲地
為吉吾不敢以為不然亦不敢恃其必然願吾中心之
操存終身之踐履何如耳吾為吉人昊天處我無非吉
雖葬之中野其後可以興使方寸少有不正昊天必不
我私天不我私地不我私畀也所謂可富可貴之地皆
妄耳更雖轍環他求所謂吉地恐終墮象罔之玄珠吉
鳥在哉後有識者辱遊茲山毋煩辨方位評可否以求
相高但詰諸物論證其所擬用者何如人則興廢禍福
雖百世可知也青囊葬書焉用泥為壘大元年中秋節
臞山逸叟程洵記

湧泉岩記

釋潮音

休寧為邑介萬山間北之夾原去邑二十里有岩名湧泉上逼千仞之崖下臨不測之澗道嶮尤甚步履維艱非惟抵黠達宣者必由是而出而裹鹽歸洞包飶赴墟之流亦踵相屬不絕也陟嶮涉深行者病之至正庚寅秋彥暉坊侯甫下車上命頒高年帛侯躬歷過之既而復以公務兩至皆舍輿而徒令左右腋扶而度猶凜凜有眩駭顛隕之思回顧悚惕思更新而廣闊之潮音主寺仁王侯命董其役既倡撥俸若干緡且歸以語僚佐大尹敬堂張侯簿桂芳丹侯咸義其舉從吏亦如之潮音奉命惟謹而遠通檀使歡焉樂助者衆遂施工鑿崖深數尺餘復壘石為外垣以護其險俾向之往來者怡

然此畏途而履康莊噫果誰之力哉竊我侯之功也何侯之未茲邑叶同寅杜私謁廉以律已仁以撫民庭洋洋許之獄野無愁嘆之聲曾未期年而口碑傳誦洋洋于道蓋由方寸坦夷脚踏實地故見諸濟人利物者如是邪潮音方外人也於時政莫敢過而問焉然布道成業迺吾教中八福田一實方便最上希有功德也不可無紀遂刻石道左書歲月顛末使來者有往者若夫履青雲而直上躋泰階於昇平以慰蒼生霖雨之望者則又昕夕合掌同聲讚歎而未無敬矣

藤溪陳村志

陳定宇

里名藤溪或云騰溪非也百川涉騰詩人所傷溪何取水騰於溪野處文書為藤溪亦非按吾里有山曰藤溪

漢曰藤溪信而有證又村名陳村實以吾姓是村也
去之村吾宗未居之也其名洪村洪其姓者居之今田
之文簿洪村二字一山可見家中舊居土人猶以洪村
以頭目之洪氏子孫後世為謀愚之少之猶見一家今
許以一家無之矣唐末以前以姓姓其村三四百年後
子孫無噍類焉吾宗中否異姓有來居者而陳氏子孫
終較多陳村之名亦永不磨噫昔爽鳩氏始居此地而
後太公因之太公之子孫固不能常如小白時其視爽
鳩之影響不存者大有間矣同宗有志之君子盍亦勉
自樹立張吾家聲以求稱此村之名也哉

陳公樹記

杜昱

歙州休寧縣黎陽鄉西距縣城十餘里有溪會三源水
合為一道南注淞江溪上有塌一所旁溉民田數百家
通計萬畝且溪平北而浚南其平維灘其浚維潭舊塌
傍潭而基地太低積土高及丈餘方能引水入渠故易
圯而難築每歲一修則費絡積萬費工倍千間為大水
所衝則遂棄厥功民多失利用是出利不齊而歲修或
廢民共患之謀無所出聖宋熙寧丙辰仲夏知休寧縣
大夫陳公時以政事之暇因訪民間利害有以城西塌
為公言者公乃親往臨之率諸鄉老而就計議焉衆知
移塌就灘為便猶以鑿石取渠為難公意其山可開亟
命匠者以工計貸以官帑之錢三十萬許以二年輸還
計田率之每田二畝總出百金民皆翕然從之於是用

功沿山擊去大石鑿成長渠壘石為岸適百餘丈以捍
衝突凡八十日其工告成遂移其塌以就灘抑塌之民
雖知公之修塌而不知利之在已其無所動於民也渠
成之日民來觀者乃相告曰此吾縣宰陳公所開耶共
邀匠者即山礮石以刊云陳公塌夫以舊塌功利相較
則歲減所費十分之八復無衝壞之虞其水通流四時
不絕抑免旱乾之患且利不百非所為利功不倍不足
為功夫利而功百倍者其在是塌乎一日公指塌名額
謂縣尉杜昱曰請書其由以告來者昱聞昔魏史起為
鄴令引漳水以灌鄴河內富饒青史書之流風為美猶
得髣髴而按焉况今親炙公之所為其能默而已乎因
成頌以歌其實云維西有溪其流宏宏維北有塌維

誰營豈弟長民大夫維陳利用改作其依則仁不割不
贅維因維循猗公之為實民是宜渠成不驚農祥有期
爰稼爰穡我公之利維酒維食我公之德春利祀事我
公之備無灾無害我公之惠名塌以公彼衆是同美澤
漫漫維公之功公則去矣之誰來此願採此名獻之天
子天子豈不曰維良吏迺命我公陟彼高位赫赫輝輝
于邦有施推近之利與遠同之增名之光昭昭永垂

遊斷崖詩序

楊文舉

予至休寧後四十日諸友具舟約余為溪南遊溪距邑
三里許溪南連山如雲湧溪側溪上流有石如人背溪
立衣冠儼然崖高峻處忽斷裂墜為盤石石上可坐十
許人崖上草樹蒙密碧翠時有蒼隼立危石溪流至崖

下匯為深潭甚沉碧潭底石復歷歷可見漁舟兩三方
來至厓下深艤既散復集若與遊者相樂對溪平楚深
墟喬林衍沃舒秀風搖松杉流聲鏘然沙鳥相群翔水
際遠山蒼蒼四環雲烟吞吐一一奇麗噫以是溪之勝
世之樂山水者莫或知也而棄置於荒閬之濱獨漁
樵子相上下是非清拔麗秀之遺憾歟余是以遊而樂
醉而忘返登舟復索迴相上下不知日之暮也遂以清
暉能娛人遊子淡忘歸分韻各為詩一首庶茲遊之勝
至他日而能傳

斷石橋記

休寧縣西溪上有石山泊焉蓋一石中斷而落於溪游
息為樂者以上石為堂謂之斷石因以名溪其山陽有

路川蜀荆湖之東下而右之西上而道婺源回五嶺之
捷徑者必由焉溪夾原黥川二水之方合潦則峻急不
可以楫旱則沙迂舟道故必濟以橋玄默執徐淮兵入
境郡邑兵火橋於何有普滿院主僧起南番儒家子不
忍斯人之病涉也持疏請於衆用木五百工力日數亦
如之而橋一新焉騎音據鞍徒者掉臂負戴肩任如出
坦途於是東西行者不知此之有谿也起南又請於
塗於以一井之夫司其守復其政役於是橋雖潦而不
漂溪上舊有屋以憇行者張慶新因已誠之舊召僧
中居而廣之既而毀于火普滿頭陀福復之而未成也
慶新之子伯通撫之亦之迹達成虧之理觀於斯橋
為遠謀舍其良田畝二積歲入以供修葺於是橋雖久

而不廢嗚呼經術枉梁為政之舉也起南與吾黨之或
倡或和而既于成循之可也若張伯通者吾所未識而
繼志成美未終知敝屹然君子之行天性之均於人而
世道之可泰者不亦可書也橋成後一歲為重
光赤奮若里人朱升記

萬安題砌路疏

趙東山

休寧壯縣無此水已數十年萬安古城出東門繞六七
里高岸既崩於衝擊長途遂絕於往來下直深淵旁
曲徑且大府簿書期會事有兼程而皇華原隰馳驅
難飛越欲鳩工而伐石宜計日以度才是須衆狐以成
裘非可一鐸而掘井解劍指廩誰無尚義之心堙谷直
溪豈復臨深之懼言多實地共履坦夷輕避重去遊木

官道復還於舊觀行者歌坐者嘯高門求賴於陰功

東岩賦

東岩賦賦東岩也作者為誰里人朱升也朱升年幼學
晚性拙以謹唯拙故於文不能作唯謹故亦不輕作則
其作東岩賦何重其主人程公度也程公度何以得重
以魯溪先生為之父也賦一篇千七百四十九言其辭
曰

泮樂游子與墨莊主人為心友每相與談天下形勝之
佳以華相娛以險相慄以正相附以奇相出而摠歸之
於道術時乃東日發光朝風吹霽廣宇納納可以縱睇
於是草徑以步高臺以憇羗劇論夫縱觀定游覽之品
第游子曰太行折輪黃河盤帶景賢行乎商山挹高風

於嚴瀨武昌之黃鶴雲中采石之青娥天外桃花流水
漁舟重問亂石驚濤江月期酣是凡與若孰攬而貫道
者若真以為風景之最矣乎主人曰然汝又將何以廣
我游子曰徽郡於江東萬山間也休陽之為邑又中於
郡而侈於山者也邑南三十里有山焉曰東岩是特異
乎靡靡紛紛者也而弗聞乎主人曰嘻敢問其凡游子
曰東岩之為山也崑崙祖之岷峨鼓之白際父之雞籠
吐之右背黃山之秀麗前左五嶺之峻絕阻大溪而支
阜委蛇傲響山而嶄崖裂缺是固天造地設者乎主人
曰詩云既景乃岡相其陰陽觀其流泉有山如是必有
經營之者游子曰天之所矜地之所錮今焉之新昔焉
之故維前此十載斯山不過叢荆榛跳狐兔明樵芻之

群雁暗翹之是護瞻覽之目何屬登臨之武昌布孰
營闢之曰程公度曾經費之勿辭而禪勅之不惡定基
就夷以避巉岩之險鑿池注清以泄瀑流之怒於是
有足者歷其勝而有目者知其媿也主人曰詩曰升彼虛
矣以望楚矣其里之大槩何若不繁庶不足以與此游
子曰錦綺之叢金碧之集豪者相伍富者相什羗里居
之鼎盛而人才之林立是皆東岩之骨岡隴之脉氣之
翕然焉者為之主人曰雖無好友式燕且喜游子曰里
居之鼎盛而人才之林立也其所以燕喜者必可述矣
樓亭池徑燕喜之休醴饌歌舞燕喜之用禽魚花竹燕
喜之助詩詞譚詠燕喜之縱子不知東岩之燕喜乎彼
其來者鞍雕而鑲金也擔綵而車鈿也持者玉塵搖者

寶扇也曳鉅公之裾葱從妓女之裙茜也彼其來者非
富盛之僚族則交密之姻情也彼或愧之而不目睨或
觀之而不心羨者不得與之貧若賤者也子不聞東岩
之樂歌乎迎賓詩曰主人之孩佳賓之來我園孔佳熙
熙春臺匪醉匪飽角生馬首其樂賓詩曰馬嘶于門酒
續于樽歌濃談懽視日未昏飲未百卮賓其勿辭白桃
紅李賓眼眩止送賓詩曰東岩月高主人弗勞賓拜請
却主人曰諾今茲返駕明晨有約其樂賓也如是不其
謂燕喜者乎主人曰異哉子何言之誤也子之所談者
花竹也樓亭也食飲禽魚之類也請以是喻夫樓者不
可以為亭亭者不可以為樓竹無花之豔麗花無竹之
清幽酒不可以充飽食不可以獻酬大也與同以花

稱也蜂能釀蜜而蝶不能何也夫桃焉天天蘭焉
郁郁名卉之苑野芳之陸或當午以俱集或方春而相
逐一迺華醞而甘成一惟香棲而粉宿何也拘於質也
子言失矣夫食梁衣繡者可以處樂而不可居貧棲衡
門者視樓榭為何物拘於質而蔽於一也如此且夫東
岩之勝若是而子斷然以為富豪之所獨樂非下馬者
所得與吾恐地主之見未必然也詩曰左之左之君子
宜之右之右之君子有之局局焉何哉游子曰吾言半
耳不寧惟是東岩主人之為人也徑直樂易於物無所
拒必將此圭竇者以峻宇而飽肉食於蔬茹者矣必將
寒士之與交而賤子之與處矣又必將推與人同樂之
念不閉關不鑰洞上以接夫宦達而下弗禁於牧圍矣

其為度也不已巨乎主人曰不然孟氏論七十里之園
荅齊宣耳豈真使薪獵者往乎其間哉詩曰無矢我陵
我陵我阿無飲我泉我池而泛泛焉以為同非吾
所知也且地主之所有東岩之勝也孰基据是孰保有
是其樂斯也孰為之主而隆厚是又孰能使之久而不
朽是易曰積善之家必有余慶小雅曰教誨尔子式穀
似之魯頌曰君子有詒厥孫子于胥樂兮言善道也請
循其本攷之游子曰魯溪先生公度之父也先生學貫
今古譽稱明里道德為富孝友為仕每令於庭曰而修
而嘉而聚而媿而勿蕩於非以保而頂趾申之曰而學
以究理而見之操履勿塵而鏡勿鈎而矢而弗尊賢於
禮曷以而弗收族於倫曷紀族踈勿踈念而同始賢小

勿小德進不止榮而勿慕槁而勿鄙念命之不定得而
弗恃大塊流聳而為山水化工發榮而為花蓋是兩間
自然之侈天寶不可棄母荒以毀人樂不可極母縱以
弛酒以合歡勿酗于旨歌舞以養耳目勿流於靡一夫
之耕不足以食百指家無冗食得已則已粒食養民而
勿徒峙安常守已勿姦胥與市吾所以命爾不過如此
而能尊是則蓬豆簠簋永承吾宗祀苟不吾遵而非吾
子是以公度功而不矜樂而不蕩園斯東岩不隘不敞
命賓朋而致禮按時序而弗爽攬重霄之寥廓瞻遠地
之蒼莽其心則高明曠達而其興則橫飛直上夫其人
若是得所養若是居之廣若是或由父尊之教也則束
帛之賁鳴騶之入尚何有不可往者哉主人始而感既

而喜甚且驚曰有是哉程君余平日與爾口稱心羨目見耳聞者遺音之鳥浮空之雲耳程君而果能若是則凡歷斯岩而造見其景者于人而不徒地于德而不徒物雖子長之講業鄉射於齊魯鄒嶧祇得其髣髴者耳詩曰泰山岩岩魯邦所瞻斯之謂矣吾固將從之焉乃相與躡屩携杖具刺雍帚扣岩扃以求見候地主之肯否

月潭八景記

趙東山

由屯溪溯流西南入張公山二百里盡浙江之源水皆自高注下湍流浚急灘淺者可揭也當山水竒會處輒匯為蛟龍窟宅自浮游至龍深以潭名且十數而月潭最竒潭上兩山相揖如牛飲于溪其鼻皆巨石夾溪

峙如門其南有山合諸小水來會離立叅拱故潭形正圓其深不可測也每春夏溪流大漲束於石門湧而復墜則震蕩迴瀾聲振天地勢推山岳齊之所入深若歸虛汨之所出旋如車輪使人目眩心掉不可端視其水落波平則淺深一碧瑩澈無瑕鳥飛魚躍于溪光山色間皆悠然自適夾溪多白沙翠竹販舟漁艇往來其間如畫圖然而雪天尤為清絕此月潭之大都也朱君伯初父世居潭上心獨有樂於是乃閣其南曰臨清亭其北涯曰觀瀾造小舟置筆床茶竈其中曰釣雪其取於是潭者備矣其於游觀之樂至矣潭之北曰平林竹樹蒙密有隱君子居之平林東五里有古叢林曰星洲寺每與客艤舟其下意適則澹然忘歸南七里有顏公山

相傳昔有隱者於此仙去君暇則杖屨獨游游輒數日而還蓋君之所好樂者如此而廓然無累於其中又如此是故其神不勞其形不衰優游無為若將終其身而不厭也於是好事者即潭之景物曰月潭曰石門曰臨清閣曰觀瀾亭曰釣雪舟曰平林小隱曰星洲寺曰顏公山為詩凡八詠以貺君而屬訪記之訪蓋未之暇也至正十七年夏五月始來游于潭上而切有感焉時郡邑荐經兵火水村山郭名鄉甲第高臺別墅凡昔之以紛華盛麗相誇詡者莫不化為丘墟瓦礫荒田野草則人與物之變滅相尋者多矣惟君與是八景者俱無恙也然則君之不以此易彼也宜哉吾聞之智士無思慮之變則不樂察士無凌誅之辨則不樂錢財不積則貪

者必在勢不在名者必在德皆囿於物也豈惟君之然乎而乘風破浪者方新車已覆矣而風駕疾已乃若有物使之然然則世之人終不以彼而易此也蓋於是重有感焉遂為之記使後之人知月潭八景之顯於時實自君始

率山辨

朱大同

寰宇志引山海經云浙江出三天子都在率東蓋率山也郭璞亦云三天子都在歙縣東浙水出焉漢書地理志云浙江出歙縣南率山東入海唐盧潘引此以解山海經中率山今地理志率山乃作蠻中不可曉是古言浙水之源皆由率山出廊道元注水經云浙江水出歙縣南蠻山中北逕其縣縣南傳山有石特起十丈上

若劍抄時有靈光煥發又北歷黟山又北迤歙縣東與
一小溪合水出縣東北翁山西迤故城南又西南入浙
江又東迤遂安縣南又絕溪二水出始新縣西南
迤縣故城南為東西長溪溪有四十七瀨東至浙江蓋
其詳如此然鄜道元引率山二字為蠻中故失浙江所
發之源而直據黟縣為文取黟縣側石鼓山為驗縣側
之水雖亦入浙江然未嘗履黟山黟山之水自別流之
歙則道元蓋誤也而率山之水出休寧界中者至歙縣
南歙浦然後合揚之水而下為浙江率水未至特歙縣
揚之水所併支川已多勢自足達要知此郡之水皆
下為浙故自歙縣言者出黟山者出率山自績
者出太鄣山自婺源者出浙山與太鄣山皆

有三天子都及鄣山之名此其發源之著者餘小水不
可勝數而唐盧潘作廬江四辯以山海經廬江亦出三
天子都特漸江在率東廬江入彭澤西故潘云今率山
在歙縣當連延而西曰浙嶺浙水實出其陰又西走彭
蠡凡三百里并水出山陽者皆西流匯于彭澤廬江遠
乎哉是一水也潘嘗為歙州刺史其所言亦必有據然
言山陽山陰之水皆入彭澤則未為當大抵二山之水
東南流者皆下為淞江西流乃入彭澤耳浙或作淞音
折或作漸義並同蓋羅願叙率山而引援證據辯說之
詳如此以今攷之休寧東南三十里有曰率口溪其曰
率山在縣東南四十里者初無有郭璞以為在歙縣東
浙水之源漢地理志以為在黟縣南則率山為浙江之

大源明矣酈道元注水經謂浙江出黟縣南蠻山中又云逕石鼓而歷黟山此所以起後人之惑也按新安之江自績溪者出大鄣山龍棧山自歙者出古黟山即今黃山自婺源者出浙山自黟者出吉陽章嶺諸山皆有定所獨有休寧者云出自率山且言其高與周圍方位之數而其水則以為北流百七十里而合吉陽水休寧東南界于開化遂安且不滿百里諸小水之浙江者多不過三四十里豈有北流百七十里之水平乎今以休寧之水源考之最遠而大者無踰於張公山之源張公山即古之率山也其山由五嶺而西北重岡大嶺源深根盤周百餘里居婺源休寧之間實為番浙二江之大源山海經之所謂三天子都酈道元所稱黟南蠻山中即

其地也其陽西流入彭蠡而其陰則東流百七十里北合吉陽之水以為浙江吉陽者黟之大源因其合流之口名率口者猶云率山之水口也以是推之則山海經所謂率水出三天子都而盧潘所辯廬江亦出者初非妄也酈道元注水經出黟縣南蠻山中者古黟地廣非今日比亦非臆說又蠻字即率字之訛而今不知覺無足疑者但不當云北歷黟山耳然則以率水之口為在縣東南四十里則可若謂率山亦在是則不可昔人考索諸書甚詳第恐未親睹乎山峙川流之本末故未免按圖索驥疑以傳疑一至於此不可以不辯

雲源八景記

范平仲

休寧東南四十里曰黎陽鄉率水之所經也川平山開

中為孔道道之北有村曰雲源王氏世居之門植三槐
枝幹礪鬼葱蒨扶踈前挹之山端重若屏喬松巨杉參
錯掩映出乎霄漢蓋可知為喬木故家矣四圍之環拱
羅列如攢劍戟如樹旌幢雲氣卷舒曉夕萬變中有小
澗縈紆以帶乎所居之前春媚秋清晨霜夕照則殘煙
斷靄聚散倏忽而不可名狀其南有塘介乎兩山之間
汪洋淡漫其深蓋莫測也碧天雲淨月色將中則浮金
沉璧可以棹酒船橫漁笛而不減乎坡仙之赤壁也其
北則峻嶺截雲鳥道如綫嵐光晻丹常與群峯之雲氣
相為吐吞嶺之半有古蘭若幽夏迥絕可憇可遊而出
林之鍾日聞乎人境嶺之下則小逕縈迴沙明石淨樵
者之所往來或歌于途或休于樹安知其不有爛柯之

仙負薪之客於其間乎此則雲源景物之大觀也而王
氏之彥日相與游而樂焉有均輔者又其彥之翹楚
者也乃即其景之可名者凡八曰三槐夾道曰古木參
天曰雲峯聳翠曰煙澗流清曰南塘浸月曰北嶺浮嵐
曰曉庵鍾韻曰晚逕樵歌而求夫畫者圖之詩者歌之
以傳于後以余昔嘗客于其里而授簡焉追念疇昔水
村山郭名家甲第凡可以游目悅心者則爭夸競侈唯
恐不及一旦變故之來蕩為丘墟瓦礫而荒草寒煙江
山不可復識矣獨王氏之雲源八景者晏然不異於平時
豈非其世德之延而山川靈異之氣有未艾者乎雖然
余聞山川因人而後傳愚溪之於柳子盤谷之於李愿
是也則他時雲源八景之有聞實自君輔始余又表而

出之是為記

注溪八景記

環徽皆佳山水也而休寧為勝休寧皆勝境也而汪溪之境尤勝汪溪去休寧二十五里山奇水秀景象萬千有不可名狀其最為奇觀者有曰東嶺峯岌相對如鳳凰騫翥曰西山嶙峋峙峙如鶴鶴飛舞至若南岩之朝嵐翠流北谷之松濤晴湧與夫石祠之鯨鍾朝吼梅窻之吾伊夜發竹坡之夕照檀岫之新月山光景象煥若天成於是其有隱君子居其間曰金翁定遠者蒼顏白髮垂垂然讀聖賢書有古人風貌山水之佳麗撫景象之清淑乃即其實而擬之為汪溪八景好事者因相與歌詠其美詩文累軸燦爛鏗鏘誠一時之盛事也翁以其族

孫希敏氏與余友求叙其端余嘗備員詞林預修纂得閱圖經因泛觀天下山川窮五嶽勝景始知地以人顯若秦華中條五老鹿門雖扶輿狀形於溟濔之初然不有諸君子又豈能昭晰乎兩間而垂於無窮哉惟茲汪溪之景不有翁則名無以顯使翁不有山水之勝則其心又何以為娛山水之於翁可相有而不可相無者是宜播之聲詩而垂之不朽焉余承國恩竊祿于朝不得如翁願何時一造汪溪之上與翁翳鳳凰呼鶴鶴挹朝嵐鼓松濤送夕陽迎素月發深省於曉鍾對聖賢於梅窻然後快於心耳姑書此以為之張本云永樂七年己丑臘月下澣廬陵張叔豫書

晴洲記

晴洲予自號也予以宣德八年入河間學為諸生始讀詩見詩之釋洲者曰水中可居之地竊以謂河間郡城四面皆瀛水環之故郡名瀛海而國家承平既久民庶蕃禧又與昔人晴日嘗少之嘆異因欲以晴洲自號而未嘗以語人也後得隙地於城東礪河之旁為村庄一區以便遊釣而先人葬處寔在礪南金沙嶺之原故嘗為家園十景其一曰晴洲釣月亦指此云後八年舉進士得歸展休寧先壟憩芝山之麓登紋溪之洲月日暄美鷗鷺翔集洲上之景雅似河間顧而樂之慨然有懷土之思焉始以此地可當晴洲名因以自號而不知者尚少又三十年羈絆于官守者無虛日間嘗以足疾乞休屢荷優眷弗遂所圖前年病中乃有兩都留務之

命南都舊令朝臣有第而近為受代者所紛更未易從也遂捐俸金佃故尚書李公所塾清溪地地上有塘塘有洲焉柳竹交蔭荷芰霏香因構亭其間宴坐之際儼然晴洲之勝不知礪河之在北紋溪之在南也噫予以一身隨地而沐霽景于太平全盛之時晴洲之號其得已乎况休寧桑梓在焉長兒編修已命家人伐茅結廬為吾他日接老計且遍求名公詩章品題之裝潢成卷馳以寄壽予得之喜甚特記其始末以見志云成化八年秋八月望日晴洲釣者識

晴洲賦

兵部尚書兼大理卿程公既得請養疾還休寧號其所居之洲曰晴洲而以晴洲釣者自名弼嘗在屬官之

末又與公子克勤侍講君進士同年勉為晴洲賦以獻
不勝塵瀆之罪云

淇陽先生泛舟微溪弟子空同侍焉爰有異境恍然豁
目長堤陂陀迴互重複乃攝衣曳屩舍舟而陸時也芳
風扇和萬彙競育萑蒺蘅若鬱蒼紛郁鳥魚龜鼉鳴飛
游伏密樹張翾軟莎襯縹於是怡然坐蔭發舞雩之咏
鼓陽春之曲曲少間石徑窈窕如聞足音遙見一偉文
夫荷綸竿而行吟其聲若擊石而撞金先生却立諦視
顧謂空同曰是夫也如龍躍春江鶴盤秋空非逃虛之
士殆蓋世之雄邪試即而問之空同揖而前丈夫應曰
我晴洲之釣者與世若隔絕矣子何為而來邪空同還
以告先生撫然曰吾目其朦乎釣者乃如斯乎然嘗聞

之棘津之望莘野之摯皆逃於耕釣若終身而忘世
夫其斯人之流歟試更問之空同乃促武而進磬折以
俟丈夫曰子去而復來將有說乎坐我磯石布子所懷
無總總爾也空同坐乃曰羲軒紹統人文耀芒轆轤萬
有橐籥三靈以之佐運撫世而登虞軼唐者丈夫嘗任
之已乎笑而不答曰戮蚩戮黎秉樞握竒陽開陰闔靈
鐘颯馳以過亂略而京觀鯨鯢者丈夫嘗為之已乎笑
而不答空同莫窺其涯而復問曰乾坤鼎爐水火匡廓
不穀而飽不樂而樂氣馬飈輪周游六幕其丈夫之謂
乎無以釣誑我也丈夫艷然曰此神仙之流荒恠之術
先王之世所謂左道而必誅者子何以鄙哉邪空同曰
然自失不知所措反命於先生曰躍然曰吾知之矣談

文武則笑心領而貌隨也固欲泯跡而逃名故弗答耳
擬以神仙之流誠厚誣之哉予往謝焉乃亟遂而前曰
丈夫誠文武之偉器輔世之碩人胡值茲亨泰猶偃蹇
而弗伸得無忽生民而弛大倫乎丈夫曰不敢走也無
以竊嘗試之今且休矣尚何言為遂不告姓名而別但
持竿兀兀而已先生載行載顧依依不舍登舟夷猶絙
絃再鼓而歌曰寒我懷兮晴洲偉碩人兮寡仇驥脫羈
兮廣漠龍既雨兮深秋稅壻埃兮遠逝嗟碩人兮遺我
以憂華亭張弼著

遊齊雲巖記

環休寧縣山皆平遠不足以當大觀出縣西三十里至
白嶽嶺山始高峰迨奇石路盤迴如線不能容馬蹄者

肩輿緣梯而升至以雙繩曳前後其甚處輒下行拊背
或才于不能成步自白嶽西南行五里至桃源嶺重崖
夾峙上結小屋以臨風雨曰中和亭立亭心下視已數
百仞野田茅屋秩秩如畫亭下二石蹲伏色黧黑中有
白質成突精曰石鰲塢塢旁大壑深不得其底但聞水
聲濺濺出草樹間曰桃花澗循澗南行里餘至獨聳巖
蒼然峭壓橫截一山近西乃有石罅方廣若門蓋天造
以通遊者門首石楠一株其大數圍四顧門下諸石如
伏犀馴象不可狎玩入石門東南聯巖如城懸石四覆
勢欲飛墜其第一曰彌陀巖巖屋不踰丈第二曰觀音
巖視彌陀稍劣前一石色正綠昂象而驪尾曰鸚鵡石
第三曰羅漢洞稍加大焉二石龍循洞門旁出鱗骨隱

隱蹤之疑為石所砌諦視之石肉相黏復意其為真龍也洞深二十餘里東炬東出可抵縣之藍渡溪然愈入愈狹莫敢為之導者第四曰龍王巖視觀音加劣巖上飛泉灑灑落崖下如雨四時不竭曰真珠簾瀦水沸散于西澗曰碧蓮池泉西巘有虎跡如泥淖所印者曰黑虎岑黑虎西行折南里餘至車硤嶺其峻視白嶽倍之車硤南二里餘至玄武觀觀後一山突起如屏倚天正立所謂齊雲岩也古松數十夭矯如虬龍皆數百年物觀左一峯曰石鼓右一峯曰石鐘夾屏兩峯曰輦輅皆以其形名觀前溪水如帶委蛇而東為石橋以渡南直觀門數百步一峯挺然拔出莽蒼中不與羣山相屬曰香鑪峯橋西數百步高崖中斷一小峯離立澗下曰捨

身崖崖西二里餘五峯差列如羣仙冠珮下天際以向齊雲曰五老峯峯西北聞有沉香洞人跡罕至草木蒙翳時有蛇虎潛其中不能往也遊者始入率以白嶽為高至桃源則白嶽已在其下至車硤則桃源又下至齊雲則車硤益下於此以見天之高地之迥杳不知身之在何境也舊碑云宋寶慶丁亥有道士天谷子自黔北來居彌陀巖一日見異人至相語曰前山高空可移隱于彼天谷子許之如約訪其處已有塑像在焉土人驚異往觀以為類玄武之神因勸道院已丑弗戒于火淳祐辛酉大雷雨裂石壞屋而神像巋然皆獨存香火日盛跡其事若不經然山靈所鍾亦疑其有不依形而立者要之不語可也予獨慨茲山之勝淪于窮鄉下邑而

不當夫周原廣陸之間以名天下爰志其際以貽好事者且以繫他日故山之思而又慨予文之不工不足以為茲山之幸也成化十四年戊戌冬十二月二十五日縣人程敏政記

篁墩記

唐之季侈用厚歛結怨于民一旦黃巢亂起曹濮間率其徒橫行天下所過殘滅殆無遺類前此雖安史之亂涇淮之擾不至此極當其攻剽時相傳凡地以黃名者兵輒不犯蓋謂已姓也若新安之黃墩其可見者黃墩舊名篁墩避亂者以篁黃聲同改而從之竟免于禍考之史僖宗乾符六年巢陷鄂宣歙池四州歙新安也實巢所蹂躪地其事不誣於是黃墩習稱于凡七百年

于此莫有復之者而復之則自今

太子諭德程君克勤始程之先在晉有曰元譚者守新安多善政既受代為民所請留賜第墩上子孫因家焉又十三世為梁將軍忠壯公靈洗以布衣起兵禦侯景郡人感其功復即墩上廟祀之其後子孫散處郡中甚盛遂為著姓而稱之必曰黃墩程氏云克勤少侍其父司馬公居于京師已而擢高科登貴仕聲望炳炳有光前人蓋嘗讀家乘而得黃墩之說憤而嘆曰此吾家循吏忠臣第宅廟貌之所賦姓敢爾汙之會得

旨歸省躬訪其地乃大書篁墩二字揭于故廬父老驚嘆以為美事壤地增重里門若新嗟夫大河之東有媯汭焉虞黼之間有傳巖焉惟其為舜與說所居也人以

其姓系其地更數千年稱之不衰巢之凶狂雖三尺童子猶知惡之然新安非其所居也徒以地從其姓君子視之如蒙不潔必脫去之乃已此人心之公也嗚呼亂臣賊子視此可以為戒矣凡巢之愚見于程氏家乘者一事爾至其竊據長安判廣明之文以黃當代唐指為符命而復謂黃為土金所生因以建元其託己姓以誣人又如此卒之殺其身滅其家覆其族尚何姓之足論嗚呼亂臣賊子觀此亦可以為戒矣篁墩既復稱于人不克勤以予舊同史官也俾記其事不敢辭成化十五年歲次己亥閏月乙丑翰林院修撰儒林郎長洲吳寬記

程齊二塌記

休寧為縣多山山中多田田勢既因山以高高而雨水

不常得也故民每有旱暵之憂幸而兩厓之間有河其水可以溉田然源上而流下不啻若高屋之建甌特瀉而去也乃有障之之法而塌以築塌即堰也縣人之語然爾此法既善而其利且多及夫春夏之月上源溢溢下流湍悍所謂塌者或薄與狹且衝激以壞屢有築之之勞而人愈困蓋未有大為之改築者縣之東南曰堯山有河自遂安白霽嶺而來歷百餘里入浙江而去至此其流甚下其水甚急而其河甚闊塌之築始難為坊故有齊程二塌成而壞者不知其幾矣里人汪志得世寧讀書好義而多才識嘗以改築塌事言于縣縣令信之委為塌長乃率其衆籍于官計田畝出財力先事齊塌塌成長四十丈用工一千八百起于正統戊辰之

秋畢于是歲之冬既乃及程竭則至此其流益下其水益急其河益闊而功尤難始伐石築之又以其家田多此近凡木石所出不敢及其里人也竭成長五十丈廣三丈用工二千起于天順壬午之秋畢于甲申之冬二竭既築凡溉田五十頃其行水之渠長及四里補缺塞漏不遺餘力於是水道既脩天時無患田率有秋而其直倍常里人德之世寧以程竭堅而可久獨謂齊竭久亦壞也乃復約其人歲出財力脩之徐圖易以石焉因其弟新昌令世行至京師請記其事以示諸後人俾勿壞嗟夫人豈必仕而後能建事哉亦隨其身之所處以施其力之可行者耳處天下有天下之事處一國有一國之事至于處一鄉一里有一鄉一里之事使處天下與

國而事無所建不若處鄉里而能建事者如世寧新安一隱士爾其水利所及下馬飽其家族中馬惠其鄉里上馬給其國用使其出而用世則鄭國白公王延世之所行可推而行之天下與國也吾故與其人而記之不辭翰林院脩撰儒林郎長洲吳寬記

陽湖八景詩序

孫氏在江東者率以為出吳諸公子各有譜莫相通若休寧陽湖者其一也陽湖之彥曰公濶嘗學于郡庠雖不仕重然諾一鄉之是非率參之曰是當為人解紛者有司亦進禮之公濶有子曰用彰年少而務學問未京師以其所居之八景者請品題于縉紳大夫乞予序予蓋嘗過所謂陽湖者今去之七八年雖其景歷歷如日

前然其詳則不可得言矣於是用彰為予言曰居之東
有地十畝繚以崇垣襍植花竹蔚乎爛然為樓焉以供
眺望曰萬春別墅西南鑿池引流為亭焉以事燕適曰
鑑泉幽亭孫氏之居舊名王侯注者遠自宋季疑當時
以孫氏為烏程侯長沙王之苗裔故定其一曰王侯古
蹟禮不忘其初也居之中偏別為樓于長林古木之外
迤南沼西澗之清尤於賞雪為宜故定其一曰雪林清
隱景不以其常以其變也居之西水渚有銳峯翠入雲表
水聲淙淙與石相搏擊繞峯而出因以響山龍吟目之
居東南有七里墩相連比墩邊塘其深可漁因以海塘
魚躍名之湖之中有洲洲旁楊木三萬株風清月明之
夕榜人櫂郎款乃相續曰楊洲棹月而居之前嘉畛良

可耕者皆孫氏世產故以河田耕雨終焉此其大畧
也幸夫子一言則弊居為之改觀山川草木亦赫然增
光矣乎予聞其言嘉之曰公潤有子哉為之言曰天下
之景蓋未嘗閱也然有顯不顯者何邪繫其人焉爾彼
醉于富貴者既不暇為累于貧賤者又不能為憤然于
弦誦者又不知所以為此佳勝之地不幸而淪于荒烟
灌莽之餘不得揚厲澆灌以登于騷人墨客之場者什
九也若用彰者豈非賢哉雖然謝康樂好山澤之遊人
以為癖李平泉酷于花木山石之玩人以為愚蓋天下
之事流而不返者皆足以戒也若孫氏生于斯丘壟于
斯教子孫業詩書而無湛乎貴富無戚乎賤貧林壑之
經行樓亭之吟眺取可適而已不窮幽抉勝以為癖取

可傳而已不好奇貪得以為愚蓋吾鄉之大家碩宗所
自為計者類如此歷世雖久不置也孫氏有焉此予所
以誦其詩想其景而樂道之歟然則之八者其焯焯乎
四方而公潤父子名與之俱也可前卜矣

弘治紀元龍集戊申冬十月上澣

賜進士及第中順大夫詹事府少詹事兼翰林院侍講
學士兼修國史經筵官同邑程敏政書

休寧志卷十九

